


龍
眠
風
雅

卷
之
四



木庄潘蜀漢選定

雲龍風雅十五
國采風另有啟
廣徵次第問世

龍眠風雅

詩卷
崇雷元
地問

石經齊牘

龍眠風雅序

潘子蜀藻以文辭名江上多所輯撰間蒐其鄉先進之詩彙若干卷曰龍眠風雅寓書以眎施子其言曰誦詩而見其人以是為尚友集一鄉一國者先土音也余觀孔子稱述夏殷而歎杞宋之無徵傷文獻之不足蓋古史竹簡漆書雖以帝室天府之冊紀載未詳而殷之遺風餘烈後世猶見一二於商頌然已亾其七篇矣詩託始國風漢唐江采見於周南而楚大國無傳曾不亾與邶鄘曹檜比豈以荆蠻擯楚不見采錄與抑太史采之而地遠多故旋闕逸不亾與三代以下太史既不采詩以觀風俗考政治於是迹熄詩亾之嘆而風雅遺音

不終絕於人間往逞剩咏殘篇垂耀簡乘則存乎網羅
收輯之人蓋得其人則傳不得其人則廢唐人選唐詩
如河嶽英靈國秀篋中等六種所存不甚多而傳之至
今杜清碧之谷音集元裕之之中州集亦錚錚焉全
集繁而易失選本合而易行也潘子之爲是書也例仿
河嶽英靈人叙崖略詩拔菁華其間有闕者摘數語附
見嗚呼桐城故望國咎之作者夏閱數百年盈尺之書
強半爲鼠蠹噉盡鄉里不記其姓字子孫不能舉其緒
言一旦揭揭焉若引星辰而聯珠貝甚或輒軻老窮巷
貞人義士存其隻語單辭可歌可涕所謂羅遺文於旣
墜發潛德之幽光雖限以韻語不過一邑之書而知人

論世殆與汝南先賢襄陽耆舊相伯仲矣余聞之父老
江上人物蓋稱二城謂桐城宣城也吾宣之詩盛有朱
不乏繼起明隆萬間梅禹金先生輯有宛雅一書其後
作者彌衆吾友蔡君大美嘗見約爲宛雅續集會余眎
學山以東大美又老病造次卒業其書不大顯而潘子
乃獨以風雅張龍眠余何敢望潘子哉詩有之維桑與
梓必恭敬止余雖淺見寡聞願終有事於斯矣
康熙丁巳暮平月旣望宛陵年家眷弟施閏章拜撰



龍眠風雅序

嚮予在都下與海內賢豪長者相結每邑不過一二人
獨龍眠多閱覽博物之士如省齋樓岡邵邨默公如三
夢敦與三敦四諸先生皆一見契合訂乘車戴笠之約
蓋其山溪秀而蒼鬱其水迤邐而蕩潏古所稱九江之
北三楚之南乃詩人騷客之所出也今歲戊午余友潘
子蜀藻卒業龍眠風雅一書而來問序于余余讀之而
喟然興曰嗚呼風雅一道豈易言哉記有之肆直而慈
愛溫良而能斷者宜歌風恭儉而好禮廣大而疏達者
宜歌雅吾夫子刪十五國之風而二雅卒存正變其意
固有所寓矣龍眠介南北之交爲江淮之都會在春秋

時名皖城服役于楚江水漢廣之詩夫子采入周南楚
未嘗無詩也其後漢魏六朝之間英雄率以此爲戰鬪
處斜陽遺壁折戟沉戈亦有登高而作賦者乎此蘓子
瞻黃山谷王荆公輩所感慨而流連低徊不能去之者
也蜀藻少負才名作爲詩歌踔厲風發籠罩百代其有
事于詩選也上自洪永下迄
本朝闡潛德之幽光表詰人之忠孝俾風雅源淵直可
媲美于卜氏之序毛公之傳豈獨爲龍眠職志而已哉
昔李公麟好古博雅多識奇字自夏商以來鐘鼎尊彝
皆能考定世次辨別款識號博古圖蜀藻之于詩也亦
然則卽稱蜀藻爲潘龍眠可矣

康燕十七年歲次戊午春三月上巳吳門同學弟宋寶
穎拜題



龍眠風雅序

西河毛牲僧開氏撰

自昔邦賢國獻多得之雍豫燕齊諸境而吳楚以南傳者漸少顧其所為可見者卽一言一行致足稱述又何嘗定以文章為是邦耆舊高賢傳哉故七國文儒東漢名士原無爵履官闕可資撰引然且澤不被于人詞不彰于世而其名其氏誦之赫然今則非文不足以傳人而史館文厖無能軒輦非其所自為文足以嬗後則雖言行之間原有可見而其人不傳然而今之吳楚猶之昔之燕齊雍豫而高賢耆舊往已不逮致觀者有古今升降之感此非其文不足傳而其文之可傳者或不

能傳之使天下見也皖城爲七國楚地而樅陽入漢卽爲名縣其間高賢者舊代不乏人且輓近以來名士輩出凡言行文章致足稱述者前後挽推互相輝映可謂盛矣乃潘子木厓復慨然念宋元以降自武樂洪宣下逮今日有其人其文久傳人間而風雨兵革侵蝕流散漸至涸茂而不可考者將先輯其詩爲一集因博採國誌旁蒐家乘凡夫故老之遺聞閭閻之狎識務必祛其可疑而徵其可信不汎不偏以該以審命之曰龍眠風雅且不以予爲不文屬爲叙次予思江左言詩首推雲間近代聞見必稱錢氏當夫黃門崛起與海內爭雄一洒啟禎之末駟僮餘習而其時齊驅而偶馳者龍眠也

故雲龍之名彼此並峙若錢氏習故其于江介諸先進歷七稱舉皆有倫有等可備譜牒然而明詩一選稍軟皖上至列朝詩集則若有詳于彼而略于此者此生其地者所由輯遺詩而憤然興也夫里門必式桑梓必敬此在鄉之人固然矧文章大事互辯方域昔有見羊酪而誇尊羹觀水嬉而歌河女者其私其所處而矜其所祕卽偶然給捷世且誇之爲盛事况乎南音之當操而土風之可搯歟木厓著書等身其所爲詩久爲海內所誦揚然猶兢兢乎不忘鄉先後而具爲搜討今之所爲後卽後之所爲先也予生爲越人僻處海隅邑之文獻固無能與寓內頡頏然嘗考遺載亦有鄉先生詩共若

千卷自有明迄今判爲二集旣鏤板行遠近而數百年
間眇無一存卽故家收藏兼本副錄亦罕有見者大抵
世近則相形者多忌嫉而代遠則因循忽略易致軼落
予徃欲輯之而難之也賦吳都者矜灌注之能揚豸圃
之廣荒陬譎詭旁魄而笑自以爲竭智計詞說有裨吾
土而忽有人焉控引澧淳襲歷塊北聚鮫鯢而集馭蔓
舉他人之所憑虛而談晬容而誥者而皆有以著其實
則夫按綠竹之詩以求衛產誦板屋之章以驗秦風而
猶謂未足攄懷舊之念發思古之情不可已

龍眠風雅序

予讀劉鳳吳先賢讚可媲美弇州名卿紀蓋以鄉之人
闡揚其鄉之先哲而海內崇之國史採之一邑之遺事
軼聞遂與海內之鴻猷駿烈並垂不朽爲功於其鄉綦
大矣所以然者紀海內之鴻駿博稽于四方或註漏於
一隅惟闡揚其鄉之先哲則耳目近而巨細畢掄故蒐
羅能覈品藻咸臧也吾鄉方明善先生師此意撰邇訓
諸書桐先哲之芳規懿蹟燦然彪炳予惜其未附以詩
文夫援据繁縟人容有踈忽於蹟隱而不之探索者不
若詩文之遶梓可以萃衆甫而播之廣遠也文又不若
詩之怡悅性情尤易徵而可勒之金石被之絃歌也則

諸先哲之詩賴選者討抉幽秘而宣其精采于星移物
換散落之餘豈不亟哉吾桐先哲詩比于唐有三盛以
洪永宣成四朝爲初弘正嘉隆萬五朝爲中啓禎兩朝
爲晚亦不之篋中搜玉輝映梨棗而矜慎自娛如肩鵲
之兄譽不越乎閭里是以蜚聲寰宇者尠猶之湮沒而
無所表著耳卯寅之交僑寓秣陵予小阮鑑在借錢子
飲光有過江一選返桐予有同聲堂一選皆一時鄴下
梁園諸俊彥登高懷古之作而三百年內宿學鉅公洎
夫逸民閨秀究無合選揔鉸之集以標吾桐大觀仍兼
兼闕典也潘子蜀藻戊子輯已刊未刊五十餘種矢志
斯舉而在苒棘闢未竣其選務姚子經三甲辰續輯數

十種携入閩計就建川之剗剛時予暨錢子飲光陳子
二如客富沙翊襄商兌姚子顏之曰詩傳傳者傳其詳
也寬之也錢子顏之曰詩存存者存其畧也嚴之也寬
之者寬于名則難苛以真譬之花欲蕃其萼萼不妨衛
以枝葉嚴之者嚴于履則必程以實譬之玉欲欽其珪
璧不應紊以砥砢用是互相齟齬選與鉸遂因循今潘
子併經三之所裒儲而酌以飲光之評議力任其事取
資旣宏刪定胥確發凡起例犁然大脩顏之曰龍眠風
雅聖人據輶軒之什郊廟之章而衍葩經風雅二字盡
詩之義蘊矣予觀其命篇則知所以操選之旨渾而正
公而平有春有倫無偏無黨善乎潘子曰寬以收之嚴

龍耶風邪
以選之收寬則詩不拘于一途而無懲噎廢食之弊選
嚴則人不流于過濫而無魚目混珠之疑乃選家執中
無方之要道也踰年而集告成人之賢者重其人卽重
其詩詩之佳者惟其詩亦惟其人如是乎吾桐先哲之
詩多不因駢拇芟寡不因寸璣寘汗樽瓦鼎不因樸頂
棄虎威龍蛻不因朽落捐繁簡詳略悉協其宜真履名
實悉昭其辨不復慮向來之猥雜可以懸之國門式諸
海內俟燕許之手筆鑒定而甄裁矣潘子且儆品彙英
萃各作小傳誌其人之端委梗槩斯又兼方劉讚訓之
體以彰諸先哲之芳規懿蹟俾頌其詩者論其世而知
其人然則潘子茲選姚子所欲傳者俱傳錢子所欲存

者俱存不啻兩司馬之有世本長編而史鑑藉以資也
潘子闡揚鄉先哲之功不旣大矣哉潘子又曰虞山列
朝選龍眠詩登載寥寥由吾鄉前輩率尚闇修流布稀
少誠哉是言虞山列朝選祖石倉十二代選而益以絳
雲之藏弄石倉選云十二代實則明詩之大全予常侍
函丈較閱之漢魏六朝唐宋元爲一集帙百二集至八
集皆明詩帙千有二百其郵寄虞山者止于明詩四集
五百帙也而先生于龍眠詩未嘗有檄取惡從翼飛脛
走而乞其摺據哉茲集出流布者廣則登載者必衆天
下後世有如能始牧齋兩先生者開局設壇揚挖風雅
必不遜于鷄林賈人之購求也此潘子之功所以爲大

歟予謹臚述其始終茲集之志與事而爲之序以弁于首

康熙十六年丁巳季冬月前水部郎舊山隱者吳道新

湯日爰撰

龍眠風雅序

予弱冠遊吳下卽與華亭李舒章宋子建輩彙龍眠雲
間詩合爲一選因取韓孟倡和之意以雲龍名編方授
鉞人而當甲申之三月其事中止越三十載同學潘君
蜀藻乃專輯龍眠風雅以行予時整比宋元詩丹黃錯
互弗克躬與校讐而竊喜夙願之藉手也刻成屬爲序
之予觀古今詩格之升降繫乎時不繫乎地自唐殷璠
有丹陽集劉松有宜陽集黃滔有泉山秀句集於是詩
始以地著矣汴宋立江西之派而推黃魯直爲宗南宋
立蒲陽之派而稱林艾軒爲長於是以地著者又因以
派分矣顧丹陽諸集自儲光羲數人外其詩多踳駁不

傳嚴羽卿力闢江西爲旁門劉後邨欲自異於蒲陽有英豪忌苟同之句繇是言之詩固不得以方隅後勝乎然非所論於龍眠也龍眠之爲山溪秀而迴復壇坫百里自爲奧區於天柱諸峰無所附麗士生其間稟山川蒼迴沈鬱之氣人尚實學不競浮名尚實學則含英咀華先求根柢風騷樂府戶習家傳雖閨閣童孺之言必無麓俚寒儉之態不競浮名則適性緣情各攄才致外誘莫奪世趨莫移故有明三百年來詩體三變龍眠之名卿碩士與四方分壇立墀者未嘗不聲光相接而堅守樸學一以正始爲歸者固自如也每嘆近日風雅一道衆喙爭鳴詆婁灤爲浮音黜湘南爲細響紛呶愈甚

格調愈卑使得龍眠學詩之旨而存之則撈籠漢魏埏埴三唐前修之疊矩重規後儒之一知半解皆足爲吾資而不爲吾病彼逐委忘源絜長較短亦祇見其徒勞矣又何地與派之可言哉當嘉靖初年八才子繼李何之後狎主齊盟其同游海甸一詩獨心折吳皖山爲絕唱萬曆間公安袁氏兄弟掉鞅詞苑而不能不以大雅尊吳客卿蓋龍眠詩雖未全播藝林其英華逗露已踰十紀至今日始盡發之抑山川蒼迴沈鬱之氣有弗容終闕者乎夫臨平石鼓千年不鳴一旦引桐魚扣之聲震遠邇蜀藻以秤量天下之手揚摧土風取人怨而衡句精其所握三寸管亦蜀之桐魚也相約明年同下吳

淞持此編示雲間諸俊人當必有踵李宋而興重酬合
選之願者予尤有望焉
康熙丁巳長至後三日滌岑同學姍弟陳焯書於三應
亭



龍眠風雅序

唐詩之分初盛中晚也其論始於高廷禮棟虞山先生
極非之余謂棟之論未可非也夫棟之論初盛中晚也
以其時而詩因之有初盛中晚矣以花事言之春之蘭
秋之菊夏之蓮冬之梅各遵其時勇筆吐萼唐詩之有
初盛中晚也亦若是焉已矣豈惟唐詩有初盛中晚余
龍眠之詩蓋亦有初盛中晚焉始洪武訖崇禎為時近
三百載為詩者余龍眠不啻數十百人 開國以來余
龍眠已逝之詩人多曆昌啟禎之人也然則有初有盛
有中若此已逝之詩人比諸晚唐也亦宜向姚經三手
選逝者之詩以傳世即顏曰龍眠詩傳傳詩乎傳人乎

抑借詩以傳人也其意甚厚因宦遊不果刻先是潘子業與方子留有蒐采之舉頃復續經三之志哀輯編次有龍眠風雅一書夫何以不仍經三之舊曰詩傳而易其名曰龍眠風雅也曰管者孔子之於詩也詩不下數千篇孔子刪之爲三百五篇首正變二風次大小二雅又次商周魯三頌夫如是止矣皆孔子之所選而傳者也既傳矣但言詩不必更言傳也然則龍眠有詩經三何以顏之曰詩傳其言曰吾不敢擬孔子之刪詩然吾所選逝者之詩皆可傳者也乃潘子續經三之志變經三之名雪案兩窻其於龍眠風雅選而定定而傳猶之乎經三之志固未嘗有異同也有說於此今雕香爲佛

爲大士迨佛已成大士已成矣祇言佛言大士更莫問佛與大士之靈亦漫慮佛與大士之不靈也潘子所選定之龍眠風雅亦若是焉已矣更莫問其傳亦漫慮其不傳也且潘子之爲此選也意在闡幽甚盛舉也始洪武訖今代上下三百載於予鄉之名公鉅卿以遠山人逸士與夫緇徒道侶寓公閨秀工四聲者窮陬僻壤莫不廣誼而畢致之蓋亦寬矣錢飲光陳默公曰與其寬也無寧嚴也潘子曰與其嚴也無寧寬也以余觀潘子之意蓋寬以收之而嚴以選之定之耳審若是又何傷抑潘子之爲此選也其始亦未嘗不嚴以收之也里中人有父祖不能詩者子孫爲之捉刀緘投潘子曰此吾

祖吾父之詩潘子知其爲屢鼎也謝勿收審若是又何
病於潘子之寬也夫潘子嚴以收逝者之詩而又寬以
取逝者之句徃余坐石經齋偶誦亡友王爾玉狂歌驚
斷隔溪雲及吳集未不識身歸何處太却招僧到此山
來潘子忻然願聞其全余忘之矣潘子爲太息者久之
又時時爲余誦方南淙公清明詩墳上花枝好墳中人
不知對花如不飲花亦笑人癡恨不覩其全集頃力搽
得二十餘首矣其虛懷樂善如此嗚呼潘子胸中有萬
卷書筆下無一點塵聲譽滿天下天下不知者或疑潘
子爲有氣岸名士亦知其虛懷樂善見人片言隻字之
美亦歌咏之勿休如此耶矧余龍眠初盛中晚之詩羅

而致之潘子者耶潘子亦旣選而定之題曰龍眠風雅
以公海內海內之人應無不嘗試而咀啜者則逝者爲
不朽潘子之功大矣初潘子選此詩時里中一二打油
釘鉸之徒自負能詩謂潘先生此選果成吾等不難尋
一線路附名不朽匪從屈靈均遊則效仲殊長老與項
籍陰陵之故事耳書此供潘子之一捧腹也竹溪同學
弟李雅芥須謨

龍眠風雅序

潘子蜀藻用三十年之力輯龍眠風雅六十四卷去年
春始授諸梓凡踰歲而書告成里中父老子弟踏門購
求以爲三百年來得未曾有懽喜贊歎如出一聲間有
二三不知者呶呶議其後潘子愠焉貽書以告許子許
子曰庸何傷彼呶呶者吾知之矣其弊有二一曰貢高
一曰媚嫉貢高則好上人謂一世莫已若區區彈丸焉
得如許陶謝手媚嫉則忌人之能謂事不必自己立功
不必自己居有豎子成名之嘆嗟乎是何其不廣也夫
天之生才何地何時幾有貢高而不可爲也已則不能
何必忌人之能媚嫉而不可爲也彼呶呶者適足形其

不廣而已矣庸何傷吾猶記潘子始事斯舉凡名山之
藏通都之副故家之秘笈兔園之殘箱刊編鬻翰斷楮
廢縑莫不羅而致之几席甚至藩溷間亦著筆墨朱黃
錯互衿袖皆汚手目芴皇形神俱敝移日分夜矻矻不
休其蒐訪之專勤薈集之弘備近代采風家所罕見也
試觀三十年來晨抄暝寫不間晦明雪纂星繙罔岐炎
朔體分代別全資獨腕之渠正謬讐譌亦屬一手之力
天下有勞如潘子者乎若子雲之採方言持鉛握槩似
樂天之纂六帖刻架編餅因警句以進覈懿行蒐家乘
而並摭國史遠稽近溯分部就班天下有勤如潘子者
乎或全書盡蝕于粉鱗靡遺賸簡或佳句已寶于球壁

弗廁微瑕纖類小疵間改竄以成人之美單辭隻句亦
掇拾于小傳之中不忍以履鼎疑及子孫何肯以捉刀
逆其親舊天下有矢志平恕如潘子者乎或不無生前
之睚眦而歿後反肆蒐羅或未免來裔之抨彈而先人
倍多收緝素有專集精其選則持擇稍嚴塵見數篇存
其人則摭摭微恕天下有宅心長厚如潘子者乎竭千
旬之甄錄經百手之傳鈔恣摸索于曹劉誰載玄亭之
酒挹光茫于李杜孰貽諛墓之金而且儻筆備以貲財
搞書胥以肴醴稿經數易清亦再更天下有輕財樂善
如潘子者乎卽今者劖劂將成棗梨弗給席先蔭而若
罔聞知覩成書而憐不省譽者有之矣非潘子貶燕遊

之需謀倍稱之息其能速潰于成哉甚矣潘子之功于
維桑者大也夫以三百年未有之舉潘子一旦舉而行
之先哲有靈實式憑焉吾知白月青燐之下必有聚誦
感嘆之聲凡爲子孫及親故者宜瞻禮服膺之不遑而
猶嗷嗷焉議其後亦獨何與卽有大雅自命者起而發
憤爲雄痛加芟刈縮爲徑寸之書重授鉞人亦不能不
奉此爲絜汰而歸功于經始之人也而况乎其未必能
耶然則吾龍眠詩人幸而有潘子今日之選也亦不幸
而始有潘子今日之選也向使潘子早生二十年當啟
頑未罹荒亂之前咨文考獻歷有可徵出其全力延訪
四境吾不知其明備又當何如也此吾之所謂不幸也

然使潘子內恪錢刀外畏謗忌不及今毅然舉行亦如
向之首鼠莫決旋作旋罷吾恐日月如馳精力不再雖
有克棟之書譬比成帙其不與腐草荒烟共其銷沉敗
紙退筆同其委棄者幾希矣此又吾所謂不幸之幸也
故曰潘子之功于維桑者大也潘子淹博似張茂先溫
雅似黃叔度經濟湛深又似王景略宜不愧博宏之舉
乃以州司馬需次選人賴有餘暇得以從事于此因念
曩者潘子與予同事選政齊子古愚張子如三敦復實
左右之文聚詩正兩書懸諸國門千金不易又曾膺邦
君之聘纂修邑志應宗人之請撰輯族譜其有造于家
國者詎一端而已耶潘子嘗惻悵于邑志之役以牽于

其事不得行其志今此書人立一傳攷據典核于以補
邑志之闕不亦可乎予一羶下邳望故鄉如河漢潘子
其速郵一函示我彼嗷嗷者吾知之矣書此以釋潘子
之愠並為之序

康熙戊午春清明前一日同學弟許來惠拜諛

[Faint bleed-through text from the reverse side of the page]

龍眠風雅發凡十六則

吾里舊隸舒州代稱巖邑朱司農遺愛桐鄉陶都督愔

陰樅水業已覃敷聲教蒸起人文迨山莊圖自公麟讀

書臺傳魯直地靈所孕弘長風流愔邑治遷徙靡常宋

元以前湮沒莫考斷自洪永漸有聞人方斷事法踵汨

羅之躅姚叅知旭流渤海之膏狎主吟壇允推鼻祖嗣

是家握靈蛇人裁繡虎莫不咀漢魏之芬苾鼓六代之

笙簧但做邑僻處山阨郵筒濶絕而先正鴻儒著書滿

家又皆恥釣浮名祇用自悅坐是流傳益尠全集罕聞

予于戊子秋曾與方子子畱授有志茲選網羅放失獵

祕摭遺已刻未刊約得六十餘種顧恩於帖括作輟鮮

終庚子辛丑之間錢子飲光

澄之

姚子經三

文燮

慨然

共事乃盡發夙藏傾筐倒皮而沮于異議未觀厥成予用是不揣淺陋殫力蒐求久歷歲時攜據較駁因自念竭半生之力閱三紀之勤用意良劬填咽篋衍委實可憐謬呼將伯助我庀工今幸藉手告成予雖身職其勞而方錢姚三子權輿茲集表章往哲實歸首庸予其敢貪爲已功乎

曩與方子子畱首倡斯舉顏曰龍眠明詩選厘掇前代不列 今朝錢姚二子又廣綜已逝采及時流良以人亾論定闡幽發潛無岐古今耳第姚曰詩傳盛推昔人著作錢曰詩存嚴持一已權衡揆之鄙衷均不敢出因

思詩首葩經托始風雅太史公曰國風好色而不淫小雅怨誹而不亂摛詞之家取法乎上風雅二字盡之矣雖不能至心嚮往之亦曰此吾龍眠之風雅云爾如謂方駕三百比宣聖刪定之書微獨予不敢誣昔賢卽昔賢地下有知亦不敢自誣也

唐人選唐詩如姚合之極玄集韋莊之又玄集殷璠之河嶽英靈高仲武之中興間氣間于各姓名下叙其爵里隲其事實凡以闡揚當代近而易稽美行嘉言均無攸伏况生同閭閈長接粉榆其遠者非吾高曾射遊之儔卽吾父祖祝嘏之老至近在數十年內予猶及見其笑貌聲容可勿颺彼懿規光茲雅製集中所刻小傳率

采諸國史副以家乘庶不致文采爛然實行茂據其無所攷證又不以行狀來者未免闕如非予過也
良璧受點于織瑕純錦蒙譏于微類點文竄字裨益匪輕是以陳思定敬禮之作雲臺改齊已之詩苟有瞽陳弗嫌弋獲茲集所登務期全體美善第恐修章踳雜斯藉芟繁累句厯茸亦資飾陋予于先輩傑構不敢妄爲更絃惟韻脚欠穩及字義未安者間効他山至同儕果邁佳篇稍虧警策則不憚塗乙僭事推敲增損出入似有微長覽者鑒予苦衷無非成人之美匪故爲敗鼓之撻以貽點金之誚也

古人篇什流傳每見甲乙兩存祇緣世遠人湮難從臆斷故婕妤光祿一歌互傳荀鶴雄飛同詞並見諸如此類不勝枚舉予上下三百餘載間或傳聞異辭如姚子詩傳所載江公弘濟二詩見于林鵬山刻本掌慧軒所載石馬謠見于謝中隱抄彙集中不無一二惟有闕疑以俟考辨之君子

賢裔揚挖前人義舊表襟亾友人之欲善孰無同心願有美弗揚命之曰隱無實而飾名之曰誣予有事斯役卽矢擯履詩槩從刊落而親故見投連篇累牘魯真齊鴈剖判奚從彼旣長跼而前口陳仁孝之悃何忍一麾而太自蹈逆億之譽亦云可欺以其方而已若予也父祖三世未有遺集不敢僞撰青箱叔季兩人本乏傳文

焉肯託名花萼以身作則自信無欺縱或捉刀相蒙適彰假手之陋
卷次悉依世代不敢任意後先惟以科目起家者甲乙瞭然按籍可攷至于僑民節士末由編年然初盛中晚亦在髣髴之間無甚遼絕其有雁字連章似竇氏聯珠之集嚶鳴接簡等彭陽唱和之篇間或觸手隨編並無成見

吾邑人才之盛不必盡以詩稱集中所未載者代有傳人如孝友則有檀孝子道清郁吳秀才德升堂夏文學以忠子孝金孝子韓忠讜則有許御史友進潘僉事洪雷御史希曾宗張光祿大被澤吳通政石蘭自峒馬罔

卿泰符孟禎理學則有何主事省齋唐童布衣定夫自

澄姚文學崇孔希顏趙均州子恆銳陳孝醇蟠石朝棟

循吏則有黃副使宗學敏方天台與信印吳方伯元石

一介方少卿惟力克張大叅希古淳或勒功名于竹帛

或饗禮祀于瞽宗皆此邦之典刑也脫有篇帙流布則

春華秋實二者兼收竹簡之載必與輶軒之采並垂汗

青雖然揚子雲不為篆刻曾南豐豈必能詩一代偉人

千秋物望固不以茲集之有無為輕重耳

龍眠彤管之盛倡自紉蘭張夫人清芬姚節婦久登詞

瑋然如耀殉節於危疆仲賢守貞于阿閣大義彪炳奚

假雕蟲而節婦宮闈詩史一書區明風烈錄正擯衰尤

裊風教嗣是玉臺香匳平分鼓吹吾母松聲閣集實稱鼎立

又有茂松吳節婦方維則澄心孫夫人章有湘蕙綢方節婦姚鳳儀諸女宗分

路揚鏹雲箋賡唱大約夜半悲鳴傷黃鵠之早寡故人

恩重感孤燕之獨歸豈懽愉之辭難工愁苦之言易好

乎若夫環珠何孺人吳令則棣倩方夫人吳令儀咸琢詞章纒芷姚夫人左

如緘秋張孺人姚宛並工藻翰可謂鍾禮郝法嗣京陵東海

之徽謝遏張玄遜林下閨房之譽笄幃女士何減詞人

然而內行肅雍母儀貞順筆露花露皆瑤金虹璧之吟

墨蘸香脂鮮冶葉倡條之奏則又閨閣錚錚雅音與高

行並傳矣

自三李賡龍眠之操蘓黃稅山谷之遊載在篇章山川

增價固采詩所宜首及也第士著自明初為斷則流寓

以遠溯較難雖有名碩畱題姑從割愛惟是邑有邦君

花封沛桃李之澤學多博士鱣堂流芹藻之香倡導人

文厥功匪細然而棠陰既遠不聞賊退示官吏之詩瓊

席久寒亦鮮盤中長闌干之句祇餘姚許君浩曾司訓

金題咏雖多惜無合作至近今賢侯如三原石公二孺

朗武昌鄔公夢陽汝楫並皆騷壇宿素而方賦初衣嗣

容續入以效表揚

黃冠白足類說泐以拈花金簡琅函亦寄懷而挾藻吾

邑洞賓名泉仙姑號井山靈結聚厥產異人况投子傳

賣油之趙州浮山有談碁之遠錄法門龍象代闡宗風

于今為烈乎紫霄心常依道一任三彭是非道潛察已
 沾泥不逐春風上下聆彼吟咏足證功修予採釋道兩
 家取其切事嚴偶不墮機鋒庶幾詞場之一助云爾
 是集肇舉經始于亾友子畱息壤猶溫玉樓忽賦今書
 成而宰木且拱矣至友人方子爾止文楊子古度臣
 方子還青戴鄧子顛厓森廣陳子子垣垣祝子山如祺
 左子子兼國斌方子象山兆弼倪子南蔭士棠齊子古
 愚邦直李子仲山延壽方子井公里齊子念修繩祖左
 子夏子國鼎馬子一公敬思永公孝思皆曾目擊收緝
 各出家筭廣為摻羅相與昕夕揚摧者也十餘年來宿
 草被墳綠苔生閣人既後先奄逝詩亦次第泐登授簡

徒形于夢魂遺書翻問諸妻子讐校所至輒為撫卷歎
 歎不啻過西州之門悲廣陵之散矣然生存翊襄盛事
 功不可忘所當備列簡端以志玉成之雅

吾鄉二三耆宿凋零殆盡惟舊水部函雲吳無齋先生
 道新經神學海歸然獨存折角解頤沾丐後進年來戢

影舊山間一來遊闌闌予小子追陪杖屨竊聆緒言別
 隱宣幽猥蒙是正姚子經三所輯詩傳嘉隆以前半依
 原本不更刊削而錢子飲光又手一門合集面授有年

其他拾遺舉墜竭厯贊成家集而外多方撫拾則李子

石逋銓陳子問齋式李子芥須雅陳子越樓焯許子伊

蒿來惠李子叔濟明楫方子念培逢月何子方屏承炎

張子西渠杰姚子彥昭文焱何子存齋永紹齊子秋浦

趙子湛齋襄國張子敦復英戴子導及研左子橋亭

國治孫子喈公中鳳方子子安遷孫子臥公中夔方子

素伯中履齊子懷芬賢門人何子鳳翥漢客楊子鼎姬

士謝子漢雲倬王子成績浩生趙子鎡良治從叔貽孫

九芝輩蒐訪之功為多或發累葉之笥藏或輪帳中之

枕祕有聞必告無隱弗諂甚至吳江楓落亦傳信明長

笛一聲不遺承祐子因得披陳萬卷縱目戲戲則諸子

擷致盛心當與昆刀薙字並壽貞珉固非予一手一足

之烈所敢專美也

里中先正名什鏤版而外強半鈔謄未有束若牛腰動

盈累尺者近代惟方宮詹坦菴拱乾方淮西爾止文馬

樞部正誼之瑛方太史愚者以智方罷丞還山畿諸稿

卷帙最為繁富幾於仞長源之架溢茂先之車覽者目

眩心搖望洋而嘆予渺見誦識如貧兒入寶藏中莫知

所割賴同志五君各出手眼匡予不逮如陳子二如式

之于何陋居集甦菴集姚子彥昭文焱之于舍山集陳

子然焯之二林莊集李子士雅雅之于浮山前後集

許子綏人來惠之于四松齋集拔尤攬最使作者驪珠

獨出旌壘一新良友伙助之勞尤不可沒云

往見選家部署陋轍相因甫竣壺中旋登方外溷緇流

于禕翟厠羽客以筭珈銓次非倫錯淆失體雖無傷于

雲水實有礙夫閨幃茲則婦麗其夫表臻妻頌椒之慧
女綴乎父駁謝媛咏絮之才既以遠別嫌疑抑且微分
正閨至寓公生于斯土終是踏雪之鴻即古德來自他
方亦等遊雲之鶴

見六十卷

果繫桑梓另列梅檀

見六十卷

此則卷末所汲汲區分者矣

是集成或譙予不無溢濫退有後言不知三百餘年吾
鄉詩人從未彙成合集用備大觀當茲標榜之始徵文
不得不寬取人不得不恕異時宗工碩彥采風下里
庶不患裁擇無資苟存什一于千百良爲厚幸夫十步
之間必有香草百里之邑豈乏風人况以三百餘年之
久遠登載者僅三百餘人惡得謂之溢濫乎古詩三千

餘篇宣聖太其重可施於禮義者存三百五篇然則予
茲選卽與古風雅比絜亦宣聖未刪前之三千餘篇非
既刪後之三百五篇也誠欲執化權以進退詞流窮真
贗別妍媸汰三千爲三百有志刪定者任自爲之其何
以譙予爲

康熙十七年歲在戊午閏三月上澣木厓潘江蜀藻氏
自識于石經齋

龍眠風雅總目

水厓潘 江蜀藻輯

卷一

方法 謝佑 姚旭 方訓佑 江弘濟

方向 章綱 周天京 陳務本 盛德

卷二

錢如京 蕭世賢 丘寧 余珊 錢如畿

方見 方克 姚希廉 方璽 錢元善

卷三

齊之鸞

卷四

吳檄 方效 方是 汪一川 方良

方祿 吳俸 方照 齊傑 齊述

盛汝謙 三方 點方 兼吳一鳳 方可

卷五

趙欽 戴完 錢元鼎 林有望 胡效才

卷六

秦嘉禾 戴完 錢元鼎 林有望 胡效才

何思鰲 錢可久 謝如山 吳應道 戴乾

卷七

方學漸 盛世承 方學箕 趙鴻賜 方學聰

方學記 方大美

卷八

吳應賓 吳氏令則

卷九

方大鎮 吳用先 齊鼎名 胡瓚 胡珍

姚自虞 方學權 方大年 方大益 方大猷

方大式

卷十

何如申 何如寵 錢志立 方大晉 齊近

卷十一

阮自華 范一謨 姚之蘭 戴耆顯 吳應琦

卷十二

劉胤昌

卷十三

左光斗

卷十四

姚之騏

林胤朝 倪應眷 謝逸 盛可藩

林胤瀘 吳善謙

方大璋

卷十五

張秉文 方氏孟武

方大鉉 方氏維則 錢巨明

方大欽 錢志道 吳用舒

卷十六

姚孫榮 方氏維儀

卷十七

李遇芳 齊琦名 方學御 齊萊名 吳廷簡

方之璧 李正時

卷十八

葉燦 方大任

卷十九

方孔炤 吳氏令儀 吳叔度 方大階 吳紹奇

王曰都

卷二十

姚孫渠 姚氏宛 齊心奉 胡效憲 倪嘉善

左光先 吳用寬 方孔時 戴時翔 錢潤

卷二十一

孫晉

卷二十二

方拱乾

卷二十三

方若洙

方大普

夏承春

卷二十四

張秉貞

吳紹廉

方象乾

戴君擢

方元芳

張秉成

葉士璋

周法祖

馬懋勳

程冲然

齊登閣

方聯芳

倪自清

方孟圖

胡學華

方穀

卷二十五

汪國士

吳國琦

卷二十六

姚康

卷二十七

王杰

李文華

何應璿

吳用鈔

方若坤

盛氏

方若素

汪百谷

趙連城

方叔猷

卷二十八

白瑜

方鯤

夏統春

趙士先

張秉彛

光時亨

王夷吾

高日光

葉士瑛

何應珽

白筠

都克任

白篆

何棟

胡如瓏

卷二十九

馬之瑛

卷三十

蔣

臣 潘映婁

錢秉錡

楊胤昌

吳應琪

卷三十一

姚孫斐

卷三十二

王彭年

李在公

錢秉鐔

葉

組

戴

震

周夢復

盛斯唐

方叔邵

王

瑄

吳日景

張

岩 周述謨

孫光先

范世忠

吳用銘

卷三十三

方 文

卷三十四

鄧森廣

卷三十五

楊臣諍

齊 程

李明柱

汪天際

胡如瑩

汪必達

王敬修

齊 新

劉

夔

張克佐

左國柱

吳天放

吳兆鼎

齊登祚

卷三十六

吳道約

卷三十七

周 岐

趙相如

倪元善

程熙載

王敬德

李毓崑 孫如蘭 胡代工

卷三十八

范世鑑 吳道軾 陳拱璧 江中龍 戴閎閎

張克儼 李延壽 吳紹志 劉胤芳 吳道濟

楊遜 厲貞 戴邁 吳汝旂 齊煜

吳日杲

卷三十九

吳德操 方其義

卷四十

孫臨

卷四十一

吳日永 光廷瑞 方思 袁廷憲 姚式過

卷四十二

方授

卷四十三

方以智

卷四十四

程芳朝 吳季賜

卷四十五

方孔一 江之漢 姚孫森 方撝謙

卷四十六

吳道凝 王大仍

卷四十七

齊登元 倪士騏 高文光 唐時謨 王嘉之

陳垣 馬懋德 胡如珪 潘士璜 臧天格

倪天樞 方啟曾 齊永繩 倪天弼 高拱斗

錢克恭 吳德音 戴耆喚 何應珏

卷四十八

齊維藩 齊岳

卷四十九

方畿

卷五十

左國林 左氏如芬 彭鏞 潘益 周康祀

余鳳衢 吳弘安 方無隅

卷五十一

姚文烈 葉文鳳 戴弘烈

卷五十二

汪鶴齡 汪啟齡 汪遐齡

卷五十三

方兆及 吳日駒 倪傳 方大全 吳德堅

章于漢 何永喆 高友荆 楊騏 方維岳

彭大年 王孫彥 吳道親 張克偉 栢廷植

鄭寧 吳用釗 徐宣 吳用鐔 方儀

卷五十四

方兆弼

卷五十五

孫中麟 章氏有湘 孫中彖

卷五十六

祝祺

卷五十七

陳伯英 方孔矩 錢旦仍 張秉哲 倪甄善

方道乾 左國斌 倪士棠

卷五十八

齊繩祖

卷五十九

周曰赤 吳道合 馬之瓊 方里 吳派循

潘天芝 童奇珍 何永圖 江迴 齊敕

方訥 姚孫植 陳鵠 齊永建 張曉

卷六十

丁倬 方戡 左國鼎 孫大年 王虬

潘五芝 姚文虞 吳日昞 光廷球 方雨

吳季鳳

卷六十一

馬敬思 馬孝思 馬方忌 馬日思

卷六十二

戴臚 左國昌 方碩 姚文良 錢法祖

方于宣 姚氏鳳儀 吳兆武 吳昌猷 丁舟嘯

姚士塗 吳熹 殷邦 吳席 姚鼎孝

張竑 周孔雯 周肯堂

卷六十三

寓公

王宣 鮑仲熊 汪之順 汪宗魯

羽士

吳道隆

衲子

釋淨倫 釋洪恩 釋德清 釋法鎧 釋本智

釋佛光 釋行岡 釋大艤 釋元亮 釋戒顯

釋慧琛 釋道盛 釋如清 釋海珎 釋本正

釋音可

卷六十四

衲子

釋明雪 釋淨燈 釋存省 釋大寧 釋弘智

門人王慧業以奏

戴元芬室芝

謝淳方孩

張濤大山

張浹次山

錫張若涵長源

張若湛巨源

吳宗璧駮三

方來乘時

吳宗鏞冰六

男潘仁標霞舉

潘仁樾括蒼編校

龍眠風雅卷一目錄

木厓潘 江蜀藻輯
吳江顧有孝茂倫
同里錢澄之飲光 叅

方法 五首

謝佑 二首

姚旭 二十六首

方佑 二十六首

江弘濟 二首

方向 三十四首

章綱 一首

周京 二首

陳務本 一首

盛德 四首

龍眠風雅卷一

木厓潘 江蜀藻輯

方 法

字伯通少孤性孝母程授以書中洪武已卯舉人官四川都司斷事永樂元年蜀藩表賀公抗不署名尋召逮登舟謂家人曰至安慶告我次望江具衣冠再拜曰望吾先人可矣作絕命詩自沉於江先是公舉於鄉主試為正學先生首以託孤寄命大節不奪命題至是果無忝師承云

蜀中逢客作

有客從江南布衣行入蜀自言少貧賤不能策高足放蕩遊江湖飛飛慕黃鵠方今兵戈興死者道相屬聞之拔劍舞忼慷為誰告引領望京師安知我躑躅泣下非故鄉君勿竟此曲

客中送人

人生世上離別難他鄉九月秋風寒秋風吹落西門柳
遊子見之空搔首憶昔辭家事遠遊腰下弧矢懸吳鉤
祇今十年髮漸白依然窮困他鄉客他鄉猶復送行人
驅車陌上起灰塵安得使我長少年東浮滄海西至秦

絕命辭

休嗟臣被逮是報主恩時不草歸降表聊吟絕命辭身
當殉國難死豈論官卑千載波濤裏無慚正學師
聞到望江縣知爲故國濱衣冠拜丘壠爪髮寄家人魂
定從高帝心將媿叛臣相知當賀我不用淚沾巾

渡黃河

野曠天陰日欲西北風吹雪鴈行低交河路斷行人少

一片寒沙沒馬蹄

謝

佑

字廷佐少孤貧事母以孝聞嘗讀書牛背舉
正統丙辰進士授御史歷官山西布政所在
著廉聲鄉人某守武昌頗滋物議公寄詩箴之有
塵起頻開扇元規在武昌之句著述淪佚今僅存
二詩以見一斑

卽事

無心雲出岫冉冉到林塘漸覺交遊少初逢節氣涼鬢
毛嗟我老名利看人忙塵起頻開扇元規在武昌

山居

流水青山路欲迷人人疑是浣花溪紅鱗屢得克新饌
紫燕重來覓舊棲軒宇風涼開簡籍村田雨霽看鋤犁
慇懃寄語催歸鳥我已歸林夏莫啼

姚

旭

字景賜景泰辛未進士初授刑科給事中性剛介天順朝以言事忤權貴謫鄭州判惟以吟咏自怡秩滿去民懷其惠遮道不得前公于馬上作詩謝之守南安有嘉禾之異至今傳為美談後陞雲南參政盜發上命太監委公同三司督征公威愛並行戒毋濫殺事平不待論功遂乞骸歸隱山林所著詩有菊潭集

擬古

燕臺古名地婉婉一佳人青春裁二八秋水涵精神新粧薄脂粉意態幽且貞明璫雜環佩姣服織阿新蘋藻心自潔寒脩意何頻伉儷苟不慎空悔百年身肯學青樓女輕踏化衣塵

夏日詠懷

夏景劇炎天庭蟬強聒鳴心煩聽亦厭心耳何時清所

處既非地所適難為情飛樓與邃閣何人高崢嶸最哉慎所守天運終當亨

鄭州懷古十詠

周帝陵

孤阜雲荒草木稠白楊悲振野風愁陳橋馬上恩終負
華嶽仙方願未酬老樹棲猿啼落日遙山列戟枕寒流
翠華玉輦今何在俎豆星霜又幾秋

僕射陂

名陂如練淨無波倒浸青天一鏡磨兩岸綠茵芳草合
滿川紅錦藕花多沙邊日暖眠鷗艇水底春晴擲鯉梭
僕射想應蒙賜後壽船尊酒日相過

大夫祠

大夫相鄭居東里遺像堂堂殿宇雄
溱洧烟波流不改
衣冠今古祀猶同
雨侵荒砌寒秋草
塵壓雕梁泣暮蛩
民俗豈徒工頌祝
椒漿深念惠人風

丞相塚

威望當年重四
一身嘗繫國安危
小兒腹坦緋衣日
元老名全綠野時
林錦月高歸鶴杳
梅烽烟冷卧麟悲
不知何事無遺表
半橐空令帝子思

管叔城

管城廢址草茫茫
屈指曾經百戰場
似有鴟鵂鳴夜雨
不堪車馬送斜陽
山含秋色迷孤館
樹引荒雲覆女墻

試上層樓頻悵望
鎬京離黍幾回傷

祭伯城

壕塹荒蕪雉堞平
鄭人云是祭公城
故居野草空涵綠
采地閒花自落英
京水霜寒秋鴈集
梅峯月冷夜烏驚
不堪往事皆陳迹
徒使行人倍愴情

夕陽樓

危樓百尺凌霄漢
面面玲瓏透夕暉
波冷蒹葭孤鷺落
烟昏楊柳乳鴉飛
依依皓魄開明鏡
隱隱青螺列翠圍
城郭已非風景異
西崑花萼自芳菲

候月臺

良宵雲淨天如洗
望裏秋山爽氣清
一曲霓裳歌暫歇

九霄冰鏡魄初生何人題石空留字我亦成詩不記名
近水翻令臺館沒素娥愁聽夜鳥鳴

浮波亭

碧水粼粼遶四圍幽亭當日俯漁磯豈因精衛填能滿
遂使馮夷潤亦稀林外風思來竹簟荷邊香想襲羅衣
如今遍地青青草惟有蛙聲鬧夕暉

列子觀

紫府仙人去不還獨留遺迹在塵寰苔荒藥鼎雲常護
春暗丹臺草自閒老樹不來雙白鶴敗垣猶對舊青山
洞簫寂寞烟霞冷徒見空堦碧蘚斑

題密縣天仙白松

貞榦齊芳一本同天仙同日化奇松東歸華表還疑鶴
西去瑤池暫作龍勁節合教霜雪護清陰常被石苔封
根株原自移三島指點雲中玉女峯

和耿好問韻

批鱗同出建章宮不盡君恩涕淚中泥露萱花多近北
受風蒲柳恰偏東莫因失路悲逾切自古浮湘賦轉工
淮泗烟波勞遠望庭間兀坐數飛鴻

和周彙行人遊東山寺韻二首

皇華星使出天關暫控花驄駐此間步月咎曾遊閬苑
觀風今喜看東山吟邊鶴舞松陰轉醉裏鶯啼樹影閒
清賞無緣追騎從坐看雲起又雲還

古刹蟠空盡日關鐘聲隱隱翠微間映窓搖影竹盈砌
隔戶飄香花滿山寶鼎烟消遊客散石床雲冷定僧閒
詩成酒罷歸來晚醉控花驄踏月還

次韻答范德章郎中二首

旌旆歡從此地過送行無奈別離何霜飛使節天文動
柳拂征袍瘴雨多極浦日高帆有影大江風順水無波
歸朝想聽簫韶罷時和陽春白雪歌
送君橫浦惜分襟別酒須頻莫厭斟紫禁帝城恒入夢
白雲親舍獨關心權穿渤海波千頃帆擁匡廬翠萬尋
王事已堅歸省畢不妨酣飲且長吟

真傳題白猿洞同天山同日

山巔古洞景幽深窻戶玲瓏夜不扃一柱獨撐瓊玉府
兩楹相映水晶屏懸崖倒結樓臺影流乳堅凝虎豹形
回首白猿今不見洞門惟有數峯青

題五華寺曠怡樓

倚天突兀梵王家丹碧流輝塔影斜螺髻好山堆玉案
昆明春水漾金沙境幽庭賸侵堦草僧定苔多覆地花
坐久細窮方外事滿簾紅雨散天葩

征昌明蠻賊凱還而作

曾領征南上將兵六花光照鐵衣明雨隨雕箭鋒頭落
人在龍旂隊裏行氣奪百蠻山失險枚啣千騎夜無聲
鼙鼙已滅狼烟熄鐘鼎何勞更勒名

和題點蒼山

青天削出繡芙蓉紅紫花開遠近峯山鑿點蒼金萬仞
洞涵空翠樹千重林嵐拂曙啼幽鳥雲氣為霖起蟄龍
收拾錦囊詩料在筆端隨處瞻詞鋒

過胡陵城觀楚漢舊壘

雲黃沙白怒濤爭路入胡陵見古城風雨當年銷霸氣
江河昔日駐精兵殘鴉噪晚翻孤影老樹號寒起戰聲
楚漢英雄俱寂寞空餘流水繞山清

題贈鄧德溫

一間茅屋一幽人鶴髮皤然眼倍明理罷絲桐閒課子
半窓梅影讀書聲

舟過洞庭遇雨

碧水如天萬頃浮布帆高掛漾中流帶將一陣瀟湘雨
直過湖南幾十州

黃鶴樓

危樓百尺倚江臯欄檻翬飛抗沈寥黃鶴自從騎去後
白雲空鎖舊樓巢

方

佑

字廷輔天順丁丑進士拜監察御史巡三省
俱有風采壘書褒之尋言事忤中貴謫知攸
縣治行天下第一將不次擢用會銜者主銓政推
桂林知府以桂林舊按地陰抑之也蒞任八月託
病免歸隱萬松間十二年
足不入城所著有省菴集

送簿之官

仇覽之官去行行出帝城楊花風外舞草色雨中生駐

音甲風牙卷一
馬鞭初贈歌驪酒更傾知非鸞鳳集計日又相迎

駕獵南郊

聖皇端拱樂雍熙出獵南郊曙色微扈蹕旌旗紛似簇
連營弓馬疾如飛風恬四野沙塵靜日暖三冬雉兔肥
鑿駕從容歸路晚龍樓初月正光輝

早朝頒扇

夏日炎炎正畏人 聖恩頒扇及孤臣九華子建文名
世六角羲之字入神幾陣清風多爽氣半輪明月絕纖
塵南遷不減西臺日出入懷中一倍珍

過小孤山

屹立層霄玉一簪荒祠古木夏森森西收楚水歸江漢

東接吳山鎮古今日月懸光天咫尺蛟龍遁跡夜深沉
豈徒舟楫通商賈春到雲偏布雨霖

三十六灣南阻風

南灣暫泊蓼汀前風捲秋江浪拍船喬口有山雲礙樹
洞庭無岸水連天和烟鷺傍幽溪立帶雨鷗尋靜渚眠
對此不堪人久住長安回首路三千

過長沙

岳州南望卽長沙路轉岐分去更賒鴻雁未稀鄉信少
青楓漸老客愁加雨餘氣肅茅無瘴風逗香來桂有花
千戶素封千樹橘年年珍重當桑麻

中秋泊磊石驛

前明風雅卷一
蘆葦蕭蕭橘柚黃洞庭風靜月輝光張騫不耐星槎遠
庾亮其如更漏長釣艇歸來漁父冷郵亭候罷吏人忙
今宵獨有南遷客孤擢天涯一舉觴

送余僉憲考績

青驄一自別南臺開府遙看桂嶺來赫赫九年旄節重
勞勞兩鬢雪霜催江飛畫鷁程雖遠路轉嘉魚瘴已開
此去若膺前席問薰風今日阜民財

寄章太守

千里相思欲放舟一官羨爾近皇州蒼蒼雲樹頻回首
杳杳鱗鴻已度秋爲問自辭明主後不知曾夢故人不
長安浩蕩春如舊五馬何時得共遊

竹月軒

翛然一室最幽深竹滿階除月滿林忽聽枕邊聲憂玉
漸看窗外影搖金王猷相識初成癖謝朓多才却解吟
遷客天涯差不俗賴君爲我濯纓簪

寄王孟達

送別曾無折柳詞長安終日一相思春天樹外知何處
夜雨床頭憶舊時彩鷁潞河南去遠錦鱗淮水北來遲
故園回首三千里把袂應須在鳳池

次韻寄杜公序

攸舊令

憶昔京華與共遊往還談笑最風流鳳池一別幾千里
雁字不來三四秋新政未誇新令尹舊家猶羨舊賢侯

老年宦業心何壯辛苦孤身天際頭

衰柳次吳王事韻

百花卉草離離何事蕭條只故枝西照祇餘蟬噪處
東風無復馬嘶時使君詩就三叉手遷客聽殘兩蹙眉
莫是陶潛歸去晚衙門恰對影差池
花殘葉落兩支離空見寒烟鎖舊枝眠起無因同漢苑
飄零有恨似隋時當風不復窺新眼却月憑誰學畫眉
試爲君歌永豐柳陽春屬和鳳皇池

祈陽道中

千里程途五兩風祈陽泊處路方中藍拖一帶瀟湘水
青出層霄衡岳峯漁唱樵歌隨處別竹籬茅舍幾家同
歸期計在之官日畫鷁明年又向東

赴桂林

臺臣作守忽西東路入南天漸不同攸縣別來千里外
桂林行去萬山中土夷雖有任囂俗士子還多陸賈風
持斧昔年曾到處人人猶避舊青驄

赴梧州謁大中丞

清晨五馬出江邊不似青驄勢赫然夾道爭看千竹馬
隨車只用一蒲鞭案頭白簡霜雖薄腰下黃金帶已懸
不負聖朝民社託淮陽何必十經年

洞庭阻風

西風拍拍浪搖天盡日湖中不見船一點君山烟霧裏

三家漁子蓼花前野橋悵望家何在荒岸依棲客未眠
尋得前村相近處儘堪沽酒却無錢

公餘夜讀

性癖從來好簡編公餘相對夜忘眠燈開一點花如粟
漏轉三更月上弦官舍厭聽蟲唧唧家書欲寄雁懸懸
良宵且得窮今古案牘平明又滿前

官舍聞砧

桂林花落逐秋風浣濯家家趁女工砧杵聲聞官舍裏
鄉關情動客途中寒衣此日憑誰寄宦况今年漸覺窮
安得祇攜琴與鶴順流直下皖江東

全州湘山寺

層巒疊嶂樹交加一徑穿林晚更賒照塔寶燈懸日月
卓泉錫杖隱烟霞到來八月堪辭郡歸去千程未近家
壁上幾多題咏句半埋塵土半籠紗

過陽朔

衣繡曾從陽朔過道旁負弩吏偏多石龕舊已供虞帝
銅柱新看紀伏波別去梅花愁借寇到來桂樹慰思何
莫論治郡勲名減五馬前頭節候和

別南人

朝廷本意愛南人暫許親臣作守臣敢薄淮陽難卧治
祇緣楚客久吟呻往時白簡空然貴此日黃堂尚爾貧
賴有韓公大中寒賊膽賢於按廣舞格苗民時事

音耶屈雅卷一
書懷

一生書劍客他鄉漸覺蕭蕭鬢滿霜千里故人頻入夢
柳陰疎處菊花黃

桂林署中有鵲來巢

託身曾向萬年枝暫借寒松住片時待得上林春氣暖
結巢依舊傍龍墀

逢攸人

舊令新為郡大夫更將別路作歸途嶺頭梅子蒙相贈
為問而今酸也無

江弘濟

字本深成化丙戌進士由邑令擢御史丰哉
嶽嶽權貴憚之按滇南卒于官平生手不釋
卷讀書目數行下為詩文必根于理
所著盡歸淹沒搜二詩以存其概

與鄉人飲

我見古人心不見古人面我見今人面今人心不見心
神嘗與古人友形骸且酌今人酒呼牛呼馬不足驚為
鬼為蜮爾何有高山擁翠入晴空黃鸝杜宇啼春風古
人縱飲聲有嗆我亦頽然醉其中劉伶阮籍今何在後
來達者不可待人生安別賢與愚有酒相逢且相對

送孫逸人遊楚

薊門歸幾日又作水雲遊策蹇青松路鳴榔白蓼洲笛
聲黃鶴夜木葉洞庭秋到處堪容醉生涯一任浮

方

向

字與義成化辛丑進士授南京戶科給事時
權貴驕橫巨璫尤不法弘治己丑西安門灾
雷震洪武門鴟吻及孝陵栢公抗疏劾諸臣罪
狀上立黜責之卒為璫所中獄具幾不免謫雲

南多羅驛丞廷臣交章爭之不報直聲動天下後
歷官瓊州守及歸有僕私市一珠渡海覺之投于
波中曰毋以爾珠喪吾珠也尋入覲卒所著有素
亭集兄印字與信成化丁酉舉人亦以清廉卒于
官生平弟兄多倡和今印詩無一存者從子克字
惟力嘉靖丙辰進士官御史其剛介不減于公所
著有西川文集
亦杳不可得矣

讀謝方伯神道碑

倪宗伯所撰

哲人不可作士林無輝光典刑日已遠文字照遺芳在
昔元綱頽四海如沸湯江山入戰圖天地含痍瘡乘時
舞魴鱸恣食紛豺狼殺人刈草菅流血成川潢無家問
妻子攔道哭翁娘人不保朝夕疇能事耕桑偉哉君先
翁憂心日皇皇散貲結徒旅義旗此攸張匪徒庇宗族
比閭用平康林木息楚談池魚無橫殃善門慶有餘仁

者後必昌報施理不爽瑞氣來漶漶英鍾秀所毓乃見
人鳳凰少年薄生產意氣爭鋒鉞平原扣牛角讀書聲
琅琅縣官修文事簡登急俊良聲名動朝著丰采凝班
行出納政惟允審克刑斯祥初持栢臺節六月霜時颺
載泛南海槎三年波不揚星辰麗中岳雨露膏四方政
洽人通和所在田無蝗斗印懸纍纍薇垣出堂堂袍團
蜀錦鮮帶簇南金黃自天錫褒嘉後先相焯煌任重操
逾厲官成道彌彰九重眷方隆台位虛中央胡爲忽囂
然知止悔乃亡連翩進休劄爛熳催歸裝疏傳早謝漢
楊尹終辭唐臨岐發長嘯逸興飛揚揚前途問征夫曙
色涵蒼涼故園舊茅屋倚帶東山陽屋頭何所有好峯

互低昂猿鶴固無恙松竹猶未荒三徑媚晚景一鑑開
方塘烟霞護琴臺薜荔蔓書房候門列稚子牽衣走踰
蹌閉口時世事放懷風月場朝冠卸巍峩野服裁郎當
舴艋百花潭欸段五柳莊盟鷗坐白沙抱犢卧崇岡旣
荷劉伶鋪赤背李賀囊松風灑塵夢石泉漱藜腸芭蕉
自覆鹿岐路誰亡羊逍遙觀大化從容反吾常陰雨結
夜愁悲風生白楊龍眠鬱佳城馬鬣封阡疆有美宗伯
公雄文吐星芒掄揚非溢辭所貴登載詳石麟卧斜日
露碑插穹蒼我生適遲暮不及窺門墻汨沒炊累餘百
念一未償摩挲舊時刻一讀三感傷桐山高峩峩桐水
深茫茫仰止先生風山高水與長

夜泊雷打石

微風西南來小雨時幾點路黑不可認回舟泊清淺避
蚊暗中坐一刻腸九轉何處是長安春明門已遠

過饒風嶺

夜宿饒風亭曉登饒風山峯迴路詰曲行行欲摧轅青
雲足下起白日手可攀人家似蝸殼亂粘石壁間下窺
黝無底毛豎心膽寒蜀魄繞馬首百叫聲未闌行人莫
到此瞬息凋朱顏

去去詞

去去復去去去去何所之上堂有父母下房有妻兒涓
涓山中泉青青園中葵在家足一飽行邁多艱危小星

盡北向大水皆東馳如何百年內勞勞獨無期太息視
落日中心詎誰知

草草吟

別離何草草一別一回老宵裝不待曉朝餐不及飽行
歌聲浩浩聞者傷懷抱山高水淼茫此身難自保舉頭
明月光照人空皎皎

山中雜咏

薄雲不成雨山月有餘白月光墮尊酒照我衰顏色舊
交日已遠芳時坐來歇惆悵平生懷今夕竟何夕
造化握玄柄寒暑無停機百年能幾時而乃多是非沉
憂起中夜新涼侵故衣嚶嚶草根蟲生意相與微

門前舊遊路上有人紛紛青蓋擁白馬素光生練裙笑
言各媚好寒暑相殷勤悠悠結心思遠樹停孤雲
明月揮不去清風招可來如此良夜何一飲三百杯酒
盡歌不停屢舞還低回爲問謫仙人而今安在哉

贈許道士

紫陽真人不可作玉石丹臺各落落青牛道士一歸去
鳥鼠高風委冥冥先生信有仙人風飄然心與孤雲同
一壺天地逍遙外萬里風霆指畫中玄霜擣盡丹砂熟
宣髮方瞳面如玉有時行沼戲蒼龍會見芝田眠白鹿
洞微子通妙生當時競說通真靈先生丰格有如此雲
霞焉能逃姓名我生齷齪風塵身冥心枉自思仙真今

日爲君歌此曲赤霞渺渺橫高旻

古意

朝出門暮出門煩車怠馬走奔奔雲山空逗風塵眼鬢
髮俄驚霜雪繁百歲光陰如轉燭幾處人家遞歌哭問
君浪遊歸不歸東風吹遍蘼蕪綠

出門行

晨烏啞啞聲到耳行人匆匆戒行李瘦妻病妾不梳洗
弱女嬌兒啼不起前年君謫滇南時只恐炎風吹作鬼
寸腸日夜幾迴斷雙淚盈盈落秋水君今又往西川去
相思又自明朝始聞道西川道路難高江急峽饒狐狸
丈夫固自輕離別妾心鬱鬱難爲理門前有水自西來

一釣何時掣雙鯉

望仙歌答謝孟祥

少年負氣輕神仙下視九土隘八埏扶桑月窟徧歷覽
蒼梧溟渤遊躡躑縛虎千仞岡射蛟萬里川有時欲奪
羲和鞭驅策六龍起虞淵有時或煉五色石隻手批雲
上補天數奇諧寡時事異奇功不成願難遂忽忽西風
吹鬢絲掉頭漫訪安期輩羣仙見我齊拍手笑我癡迷
空老醜世上艱虞已備嘗身後功名竟何有棄我如敝
帚不肯相引援吹簫駕紫鸞一一飛上三山巔弱水無
力不可船安得羽翼雙連翩中有一人謝自然顧我生
於憐袖出青囊書一編謂是餐霞之秘傳浮生盡戀人

問樂誰識仙家此機括化去應爲天上箕歸來擬作遼
東鶴嗚呼謝君此意良已厚只恐凡骨未堪度爲我殷
勤致語羣仙人頗聞當時一釣連掣六鰲去

雷港大風行

忠宣坊下東風起仗劍長揖別知己乘流一葦疾如飛
掉頭忽過鱗魚嘴行行漸覺天氣惡萬竅怒號泣神鬼
帆脚狂舞不那吹船窻脫落斜蘸水老子傾歎屢移坐
小童涕淚空啣指敗桅無數被江流滿岸行人牙擊齒
此身已拚永爲泥一柁公然屹如砥夕陽在山飛鳥下
須臾浪息風亦靡東吳同年顧夫子隨我江干駐行李
掀篷招我過船去縮頭吐舌驚且喜急呼斗酒發狂吟

夜靜吟聲撼隣里死休魚腹已無知生還蝸角仍不止
明朝所務各有程一笑何時燭花紫

夜坐感懷

小坐傍疎櫺淒然百感生鄉山千里月砧杵萬家聲四
壁寒蟲切一燈深夜明沉吟不成寐靜數短長更

輓謝方伯

悵望東山道潛然一灑衣晨星遺老散今雨故人稀身
世無何有功名是與非風塵正瀕洞吾亦息吾機

寄皖中諸友

野蘿橋上一分襟自此令人悵望深芳草斜陽南浦路
青燈夜雨故園心幽懷誰共尊前話舊約多從夢裏尋

音韻原形卷一
幾載素書空在袖江雲渭樹兩沉沉

送上高尹蔣惟學辭老南還

百里花封舊著賢惠風回首白盈顛辭歸天上三千里
買斷江南十畝烟綠野堂前春似錦香山社裏酒如泉
紅塵車馬知多少日暮途窮尚未旋

送婁元善

連翩莫惜羽觴飛別思撩人酒力微眼底故交千里遠
天涯遊子幾時歸悠悠歲月隨流水望望山河帶落暉
珍重客途頻自愛風塵偏上官遊衣

九日燈下偶成

紛紛秋思亂如麻更值重陽思轉賒客館青燈一杯酒
故園黃菊幾叢花滿城風雨愁邊色萬里關山夢裏家
最是不堪情切處夜深寥歷起寒笳

獄中次龔秋官韻

棘風吹戶鬢毛寒睡起無時懶著冠三月鄉書愁裏絕
一年春色夢中看我心不轉元非石世路相傾總是瀾
歌罷楚騷天欲暮當杯且放兩眉寬

東岡居士爲五兄題

山外紅塵萬慮囂山中清隱列仙曹囊收花鳥春吟劇
枕破梨雲午睡高生意滿庭交野草碧香分雨煮溪毛
何應忘得清平世坐待長風起鳳毛

桃源道中

桃源西望是辰州兩境中開五置郵征旆影隨紅樹沒
斷橋水帶夕陽流關山迢遞孤臣路風物淒涼滿地秋
半世飄零竟何事獨騎瘦馬重回頭

界亭驛

亂雲重疊萬山幽僕馬勞勞此暫休丹葉滿林楓樹晚
雪花鋪地木棉秋壁題半染孤臣淚酒力難澆去國憂
獨坐中亭不成寐寒更已報第三籌

洞庭坐雨

湖邊疎雨送廉纖湖上孤舟幾日淹啼鳥傍人如有訴
東風于我故相嫌半生踪跡嗟萍梗一路陰晴費卜占
極目西南天未了數峰隱隱望中尖

山中限韻爲外兄玉國寧賦

謝却紛華此結茅白雲隔斷市聲呶溪流有意清長繞
庭草無人翠自交尋伴時過鷗鳥社隨緣日醉海棠巢
兒童笑道前村好紅綠扶春上柳梢

樹桺爲墻屋覆茅山中無地著喧呶白雲流水便高卧
明月清風託故交桑梓連陰移座席芭蕉分綠到書巢
東林更有生生意半露新篁引鳳梢

用世無媒筮拔茅行年隨分避囂呶足知綠水青山侶
笑殺紅塵白眼交晚圃花開供冷景風林葉脫見危巢
請看石上梧桐月清夜無人自滿梢

風攪長空雪擁茅坐來天地絕號呶橋邊小蹇獨衝凍

龍眼風雅卷一
門外無人一問交藥臼春時水落手茶烟起處鶴辭巢
後園春信知何似梅放微香到樹梢

送吳時明之官黃州

白鷄壇裏舊風流五馬雙轡壯此遊尊酒十年還黑首
故園三日卽黃州丁丁棋子高樓雨嫋嫋歌聲小月舟
公暇定應饒賦詠郵筒時寄皖江頭

普門寺次壁間韻二首

紫翠重環寶刹開閒雲片片傍香臺曾聞二虎巡廊至
時有雙鴉報曉來優鉢花深迷客步菩提樹老記誰栽
禪關寂寂扁清晝不放春風掃碧苔

勝境朝來又一尋淡雲閣雨半晴陰宦途有債頻來往

秋意無憑自淺深隱隱疎鐘聞遠寺飛飛落木響空林
何應消得今宵永共聽繩床蟋蟀吟

鎮遠道中

瘴雨蠻烟路欲迷馬頭又報夕陽西鷓鴣不省行人意
故故飛來耳畔啼

枕上偶成

榻袖爐中冷未消蘆花被裏夜偏遙隔窓忽送鷄聲曉
恍惚當年報早朝

樅陽絕句

波浪掀天百尺高風雲接地萬山號行人莫問樅陽事
令尹于今不姓陶

山西舖

滑滑泥途似抹脂素衣多少化為緇十年青鎖從容步
博得凌兢瘦馬騎

海南雜咏

海外風光別一家四時楊柳四時花寒來暑往無從識
只看桃符紀歲華

城上陰雲拂曙消瞳瞳初日照旌旄年來且喜無征戰
引領春風看海潮

章

綱字思綱太守綸之弟安貧自適築別墅于烏石岡號東郭閒居賦詩飲酒一日登小孤山戲題廟壁意致蕭遠有太史過而見之急訪公延舟中縱談數日曰腹厨萬卷不墮纖塵真神仙中人也所著詩有蚓竅集武昌集諸稿今皆無存

題東郭閒居

白雲為侶竹為隣棲迹衡門不染塵贏得此身閒快活
功名留與後來人

周

京字大觀弘治間明經不樂仕進隱居講學錢大司寇出其門自謂得如先生足矣因名如京晚年號篁鶴先生著有叢林叢篁白遊詩稿盡失于兵燹惜未覩其全集焉

門人錢大司馬桐溪假歸信宿篁田有作

北斗司喉舌旌旗動羽林乍回捧檄志猶切伏蒲心萬
里邊聲壯三年客思深篁田新酒熟共爾一長吟

草澤籌時務相看各有情廟廊資借箸湖海罷談兵跡
以烟霞痼名因老病輕拂衣榆塞後邊月望同明

寄懷吳郡徐髯仙太史

手剪蓬萊入舊扉頻瞻遠客恨忘歸園林載酒知何日
雨雪同車願已違三徑篁深人事少八行春度雁來稀
閒時莫上高樓望草長江南鶯亂飛

陳務本

字立卿永樂間歲貢本饒州鄱陽人其先世
茆塘公陳寧宋端平間講學有聲為真德秀
陸九淵所器待官安慶同知士民愛戴因家于桐
之官山公為寧五世孫歷官武昌同知慨黃鶴樓
久圯悉舉俸入修復之樓成垂橐而歸其風致如
此喜吟詩詩多不存家乘中僅存黃鶴樓詩一首

重修黃鶴樓成詩以落之

武昌之魚可不食黃鶴之樓不可不葺古人製造各有

因豈止遊觀事雕飾子安乘雲蹟渺茫

相傳乘白雲者
仙人黃子安也

費禕昇天難臆測

郡志謂費禕
亦乘鶴去

崔顥題詩在上頭李白

有景道不得我亦勿問神仙之有無詩句之甲乙但見

漢陽萬雉列當前傑閣晴川雄岼北蛇山到此勢昂然

首戴層樓與之頡頏敲敲隄晚久弗振南紀何由表軒特

况乎焦度樓築因崑疆景宗堡建曲水旁左右相望皆

壁壘茲樓拱檻寧虛張自脫青衫襍傭作譏吾好事吾

日諾搏土揮斤仰俸錢半年垂盡三年橐回憶吾祖丞

皖時捐貲首造沿江陴老卧桐鄉飯不足一枕清風良

可師

盛

德

字克修號五槐弘治甲子舉人少試諸生不
利即不歸徑造投子寺讀書經年鏃礪攻苦
果以冠軍舉于鄉工丹青嘗畫鳳山人
景各題以詩今存其半餘不可考矣

虎跑靈泉

虎至是何年蹲伏尚依然低頭看跑迹泉底月涓涓

兔河風帆

鳳山俯羣壑烟波橫如帶遙見兔河帆飛向青天外

萬家烟樹

黯黯雲烟簇蒼蒼樹影稠百年王謝蹟大地一浮漚

九華晴峰

風景朝朝異江山脉脉通欲眺九華秀新晴落照中

龍眠風雅卷二目錄

木厓潘 江蜀藻輯
涇陽李念慈岷瞻
同里姚文燮經三 叅

錢如京 二十三首

蕭世賢 一首

丘寧 一首

余珊 一十四首

錢如畿 三十首

方見 三十二首

方克 一首

姚希廉 一首

方璽 一首

錢元善 三首

龍眠風雅卷二

木厓潘 江蜀藻輯

錢如京

字公溥弘治壬戌進士由邑令擢御史歷官督撫按所在軍功爛然簡策當武宗朝權璫用事公略不為沮久任兩京戶刑兵三部宮保尚書朝廷實嘉賴之歸隱桐溪與弟如畿如景子元善元鼎輩以山水觴咏相娛樂所著有鍾慶堂稿

欽賜杯銘

皇仁如天寵錫爾賢何以頌之天子萬年

皇仁如春德昇爾臣何以報之曰致其身

皇恩孔宏錫爾榮名何以保之兢兢捧盈

皇恩孔深畀爾良金何以守之富貴不淫

家廟鐘銘

前集卷二
範金象形兮式遵古規
虞業縱兮曰追是麗
穆穆厥聲兮來格孔時
於昭祖考兮慶實我垂
子子孫孫兮勿替引之
永燕家廟兮仰惟制詞

家廟鼓銘

木冒之革兮五音是調
粵昔夏后氏兮道以是
邵聲逢逢兮奏格孔妙
於昭祖考兮庶其臨照
子子孫孫兮勉焉克肖
仰惟制詞兮永燕家廟

夜歸

出郭快秋晴金飈動林樾
留連村社飲坐見西日沒
鳴鑣醉歸來東山吐新月
渡溪人語鬧入市暝烟發
露氣濕荷衣清光徹
詩骨弄影不成眠長歌聲斷續

石上松

雲根丈人氣如虹
徂徠髯客勢薄空
龍蟠虎卧兩高士
翛然凌跨溪山中
山中別自有天地
杳然不與世路通
春風吹香落金粉
夜雨滋蘚含翠重
秋宵高枝望明月
積雪琢玉聲玲瓏
萬古千秋自離立
吟風拔地當無窮
吾將樽酒結爲友
歲寒相對成三翁

聖駕臨雍衍聖公例當侍從至自闕里乃孟夏十一日六部諸公醵餞於禮部是日禮備樂作情文周至桂洲公倡以分韻賦詩爲贈予得瑟字韻取鹿鳴首章也

天王垂衣耀文德
禮樂琅琅陋綿蕪
虎闈一紀今再臨

曠典殊恩信超越三月十三天氣新御輦和風扇晴陌
孔庭親行釋菜禮虞書坐講諸臣列六軍多士咸縱觀
三氏子孫皆在側禮成頒賞稱萬歲百官稽首動顏色
於中衍國秩最尊詔宴禮部恩赫奕亦有顏孟族與孫
此日同陪主宗伯御厨珍羞出大官拍手優人鼓瑤瑟
共矜恩禮絕代無公卿嘆賞聲嘖嘖長安城頭花影重
宮柳曉鴉啼落月歸心裊裊漫晴絲苦飲留公留不得
釀錢大合繞朝臣置酒南宮更相浹中筵把酒歌鹿鳴
分韻題詩紀離別我才潦倒非少陵亦復從前爲公說
我聞宣父開太平六經仁義爲至極聖學在中和天德
乃不息論語雖半部節用尤所急我皇視學有深意匪
事文章務情實霸術管商非所屑明日達聰邁古昔采
掇葑菲不遺力野人美芹懷曝日臨風欲進踟躕立公
歸東方好珍惜謹率宗人守臣職大闡淳風化鄉邑佐
我皇明萬萬億

題周氏天全堂

有引

周氏爲予桐望族族有大賢爲予師篁田先生
往予自嶺表被召過鄉時外兄吳前溪以先生
所爲天全堂記見示知其族有名巖字大靜者
自其父文慶公而下合四世同居廿有三人俱
生聚無故蓋天全之也因以名其堂予臨文慨
焉有懷前溪曰天全子於予有嫻好願藉表揚

音耶風雅卷二
久未有答茲來留都復爲之請因賦以歸之
揚都肯構彌絕奇天全扁揭堂之楣堂前椿萱蔭華棣
滿堂常貯春熙熙和氣致祥天亦予桂秀蘭芳振先緒
千指同餐向此堂架上衣裳無我汝耕讀還貽善後謀
慶源滾滾湖邊流歲時伏臘聚宗黨宏開壽域飛觥籌
太平盛事真罕有義門之鄭差可偶篁田有筆如巨椽
繫此堂名垂不朽

尋芳

霜雪逗春期園林花事遲偶臨流水曲忽見隔墻枝野
徑人稀到孤芳蝶未知若教移上苑車馬日爭馳

招鶴

野鶴自標格飄飄不可羣盤空千里見警夜九霄聞刷
羽凌滄海歸巢夢白雲本無籠絡意丘壑任平分

山山掃先尚書墓

絕頂岩巖望八荒九華清影落蒼茫峯雲宛見親闈在
江水遙同教澤長桃李釀春寒食雨松筠拂磴午陰涼
春暉浩蕩何由報抔土年年草白芳

送客

江干極目送歸航千里烟波去渺茫日暮倚雲看雁字
夜深彈劍吐龍光漁村初歇黃蘆雨埜岸新添綠樹霜
愁殺故人成遠別相思一隔楚天長

燈花

寸草初看一粟垂珠聯玉綴忽離離無心見處平增喜
作意開時未有私長養肯教輕下剪護持寧忍漫敲棋
更呼綠酒相親坐清賞何妨夜卧遲

雨遊靈谷寺二首

松栢陰陰拂道長鍾山佳氣轉蒼茫蓮堂晝永慈燈靜
塔院雲深法雨涼功德人行流曲水丹青四壁繞迴廊
不辭雙屐沾泥滑正喜幽深夙願償
雨歇禪林秋滿懷碧天微日散烟靄因過別院聽風竹
遂有山僧具午齋麋鹿成羣依淨土琵琶留響應空階
從來僻性耽孤往勝事那能與俗偕

宿三潭別墅

萬松小築三年別今啟柴扉幸未蕪小犬出花迎主吠
隣人供茗隔籬呼魚乘水面休驚釣酒滿床頭不用沽
更喜夜來新雨足前灘春漲綠平鋪

紫荊關閱師

老我原無天下奇強承 恩命歷邊陲行誇天設三關
險坐閱營開八陣師按節有時喧鼓吹傳聲無語動旌
旗轅門共樂朱干舞杞國還思燕鳩危

送方西川表弟之任桐鄉

潞河風靜柳垂垂送子維舟更賦詩把酒忽驚千里別
感時還動百年思霜臺青瑣名如昨墨綬金章澤未涯

子外祖省菴爲御史舅氏一菴爲黃門俱以直節著終太守故云

茂宰應知明主意東

南民物正瘡痍

建安雷生鯉善書畫且工詩嘗遊學吾皖過予桐

谿書屋繪卧龍武夷二圖為贈予時寓都下及

歸休始得展翫清奇可愛惜未一見其人也漫

爾有作用寫默懷

雷煥風流亦可人張騫踪跡豈浮萍如何雙劍藏秋水

獨有孤槎帶客星龍卧南陽堪想像詩隨九曲入丹青

披圖盡日間題品與汝何當泛綠醅

黃梅道中曉行

蒼松掩映曙光晴馬首遙聞畫角聲

入楚沿鋪以帝德畫角傳道

如天春覆物孤臣萬里戴恩行

知止亭

車馬紛紛逐世途何人肯復念尊鱸年來識得知幾好

敢學疏家二大夫

蕭世賢

字若愚弘治乙丑進士授南京刑部主事時江彬以逆濠興大獄公多平反不為彬屈後

陞湖廣副使卒于道囊無餘金以故服殮為詩文力追漢晉著有梅林詩集今子姓零落集不可得

僅于志中按一詩以存焉

過三城寺

竹裏有幽寺今朝借問來小兒看繪喜孤抱對僧開沉

碧過虹影清香遠篆灰春寒花蕾縮風迴樹聲哀龍虎

交青障雲霞護綠苔燈空聞呪水旛動聽經臺入靜叅

禪妙尋真蛻俗胎冷然如有契日暮下山回

丘

寧

字士安貢士天順間為
衛經歷能詩今無傳

投子山勝因禪寺步葉太守壁間韻

窗外青山入座奇
山中果熟鳥頻窺
不嫌地僻人來少
生怪林深月上遲
仙井泉香堪療疾
古碑字缺費尋思
老僧不管遊人醉
請和風流太守詩

余

珊

字德輝號竹城才高學博尤精曆法正德戊辰進士官御史武廟時政出中涓公執法

敢言用是賈祠盛暑下錦衣訊杖瀕死世廟立
詔起原官久之疏勒十漸侃侃數萬言語侵權相
七日不報幾復不免疏載皇明奏議大政紀諸書
尋外轉僉臬所至平梅花洞盜收威茂叛潦功業
炳著為明一代名臣卒于官貧不能殮生平詩文
悉散佚後百年同里御史馬孟禎巡鹽長蘆搜得
若干卷梓之其詩沉雄高古與何李同時極為所
推遷楚之日大復作二詩送之比于王粲賈誼其
傾倒可知矣

擬古

丹山起千仞上有雙鳳皇
和鳴應天樂文采炫朝陽
妖鴟爾何類乃欲巢其傍
宜為鳳皇羞不共此高岡
枳棘非所棲戢翼寧深藏
君子惜靈異惻惻心孔傷

泰山有喬木自昔五大夫
盤根驚蟄龍錯榦凌空虛
巖凝砥寒標材可供天都
云胡摧為薪乃爨田家厨
托位非不高蔭身非不敷
斧斤將奈何日日來相圖

驕驕立天仗神氣吞長虹
一鳴徹霄漢四足追剛風
南郊灑清道騎出大明宮
龍顏照天日儀衛彌尊崇
何為輒叱去頓使天閑空
吾恐宛王知誓不與漢通

送洗侍御歸養

秋風撼庭柯惟聞君太息問君何所思問君何所憶所
思非功名所憶非泉石青陽逼歲華白髮悲庭闈君身
鮮兄弟阿母無仲兒辛勤八十年晝夜理寒機條條手
中線織兒身上衣兒今得衣繡菽水翻睽違願言乞兒
身從此終養歸暮寫蟣臣心朝上天王書東堂辭宰執
西堂辭友于賣我舊時驄鬻我舊乘車雲帆一葉去烟
洲萬里餘期過大庾嶺正值梅花初吟魂耿歸夢蕩俗
凌清虛稚子聞翁來商羊走階除阿母聞兒來含笑倚
門閭鄉鄰聞友來載酒胥慶予更衣試取斑斕著婆婆
萬舞恣歡樂纒娛一日抵千金縱有三公君不博

夜夢題松二句起而續之

孤松獨弔影婆娑青蓋直與天相摩夢中句老堅遲遲弄
春色蒼潤鬱鬱涵烟波苔蘚摻裂崩陰崖蛟龍倚仗盤
曲阿近觀鶴骨驚瘦孤靜聽笙聲鳴清和長安豈無花
如綺章臺更有柳若羅爭奈朝華復夕墜片時容色如
君何

登陸嶺坡望河山有感

盤旋陸嶺高崔嵬黃河東走奔巨雷中條橫絕芙蓉開
下有鳥道通丹臺仙乎鬼乎安在哉使我不得少追陪
遐思立馬空徘徊摩天黃鵠聲哀哀

題余黃門雙嶼

雙孤對峙天門開華江之水奔滌迴天風不下明月來

晴波盪漾握崔嵬
瑤花碧子香雲培
三山出沒飄蓬萊
精英幻化昇仙才
聲光摩戛星漢迴
玉皇常侍天仗陪
青鎖沉沉夕照頽
幾回夢入烟霞隈
飛來飛去黃金臺

鳳凰阡

長安城北無閒土
盡是長安舊人墓
洛陽山陰塚纍纍
空有黃金無買處
松楸塞路多如鱗
回首摧爲爨下薪
誰家古碑高百尺
忽作人家柱下石
何如姑蘓村外阡
鳳飛鳳舞來山前
人踪罕到深更幽
棲鳥頻來銜紙錢
三泉下錮人長歸
子孫世世還相依
牛眠葬者三公地
試看青鳥向此飛

雪詩次沈憲副韻

空霄縈出仙人掌
玉剪芙蓉露盤上
天風吹落徧塵寰
積素凝華競清爽
汀頭凍合寒雨又
海上深埋牧羝杖
洞庭寥闕明珠宮
天門失却黃金榜
播糠混沌易庫高
覆甕鴛鴦昧俯仰
謝莊衣濕不勝寒
何似長蓑卧漁舫
沉吟夢入羅浮仙
素縠單衫翳雲鬢
陽阿舞窈窕詩梅
花折贈春一枝党
家風味那有得淺斟
低唱尤出奇相逢
此夕曾多少覺來
恍惚還如癡起視
平原凸萬徑增寒
冽安得開衡雲
千古繼奇絕吁嗟
汝自壞長城紇干
凍雀饑無聲卿雲
杳靄割昏曉采薇
響絕無人賡相思
幾夜令人老華髮
蕭蕭半瑤草遼東
一帽勵冰操肯效
虞卿愁不了誰云
苦節不可貞窟飲
吞醴味甘好曉來

誤入梁王園濛濛密布梨花天玉樓高起落寒粟光搖
銀海炫生妍五發七乘有佳句眼底何人號謫仙昔從
周王車馬足與王筮獵賦黃竹萃澤霏霏多凍人忍使
斯民納瓜谷殿上虎搏高鹿王家兄弟避三窟只今流
落自天降洛中高卧動天象藍關路澁馬難前秦嶺雲
橫激千丈簷牙撥捩垂鮫珠地籟呻吟若惆悵模糊錯
認六月霜逐客相看攪清况明朝日出冰山消春山萬
里羅青障

題姚少師小影

北平主人還東都秦淮覆蕩天地汗先生杖策來軍幟
青囊幻出擎天符風雷叱咤寰宇虛指麾才定蕭曹無
黑衣宰相黃冠模故知此輩非凡夫由來孔墨直殊途
會須擇術慎所徂是非端合以一居先生既有儒者謨
桑門卒業胡爲乎子明削髮烏鳶嚙前身後身空自誣
吾爲二老三長吁

夜泊洞庭望君山

蘭舟夜泊洞庭秋望望君山未可投漁火半明波影亂
棹歌長咽雁聲愁乾坤日夜無時歇廊廟江湖幾度秋
斜倚燈光耿寒夢飛來飛去岳陽樓

東巖

卜居巖壑買芝田自喜雲林隔市塵十里斜陽騎犢醉
半床明月擁書眠晝長無事鳥頻下春到不言花自鮮

音賦風雅卷二
謾說蓬萊窮海島蓬萊元只在山前

題松壑寒泉圖

百丈懸崖瀉碧流怒雷驚起老龍浮
銀河倒景千峰曉翠蓋堆陰萬壑秋
何處簫笙鳴水底誰家足練挂山頭
先生自得林泉趣一嘯空山天地愁

上陵

馬蹄輕踏上陵山萬里峰巒指顧間
雲掃碧鉞天外劍日搖銀鏡水中鬟
東廻青海芙蓉障北控黃沙虎豹關
不用多方窮海上蓬萊仙島在人寰

錢如畿

字公錫號柳溪大司寇桐溪公之弟也以明經授浙江布政司都事不仕歸與桐溪公講學龍眠門多種柳徐髯仙爲繪柳溪圖學者稱柳溪先生年八十終所著柳溪集今僅存什一云

憶溪上

谿上楊枝儘可攀未容桃李入清班
閒排逸興棲南畝不愧移文負北山
蟬噪只隨秋雨歇鶴飛長馭午風還
傍人也識年來面莫道朱顏是醉顏

閏九月從孫可久移菊池亭小飲

漫移金紫近芳塘旋剔霜螿一舉觴
令節幾回逢閏月菊花兩度見重陽
年華冉冉人長健秋色重重蝶未忙
留取數枝明日看西風籬落有餘香

寓鷄鳴山雷半窓有贈次答

一徑縈迴竹樹隈故人有意抱琴來
暖風細拂翻經案宿雨初收施食臺
老我疎狂陶謝興憐君磊落馬班才

音見風牙卷二
掀髯一笑同攜杖舉目鍾山霽色開

西湖次東坡定慧寺韻

層巖露滴麝臍香樹樾花陰六月涼越嶠遠含雲影淡
浙潮時送櫓聲長道人面授休糧術童子心傳製藥方
入定老禪還出定月團初輾共君嘗

清明寫懷

病骨春深尚怯寒蕭然一榻未容安鏡中白髮無心鑷
樓外青山著意看佳節可能忘劇飲幽居聊自強加餐
揮毫展卷銷閒日更有誰登白戰壇

二十五日山山掃先壠

披雲掃葉拜荒丘清淚潺湲喚欲流小草難忘春浩蕩
敝衣忍見線綢繆自憐衰白情何極每見慈烏恨未休
寂寂空山風雪暮樹聲蕭颯思悠悠

贈蕭國賢

記得攜持少壯時爲君曾賦鶴田詩美人只隔一水近
老我常懷千里思七尺青藜扶病骨滿頭白髮亂垂絲
相逢正剪西窗燭猶恐明朝又別離

出郭

郭外茅堂偶一行沙頭白鷺樹頭鶯有詩有酒堪娛老
無祿無官可代耕麥甸雨餘千畝秀石磯風定一絲輕
夕陽羸馬歸來晚曲曲清溪帶古城

前翁華巖過訪有感草草成韻

蕭條幽巷靜朝暉
盆草缸蓮露正晞
白髮故人憐我老
烏衣小鳥繞檐飛
談碁笑傲消長日
對酌婆娑閉短扉
不覺座中生感慨
朋儕零落比星稀

嘗新

白髮老翁逢稔歲
烹葵及菽飽妻孥
但能舊穀繼新穀
不愧今吾是故吾
南澗藻蘋聊薦廟
西疇黍稷且輸租
一年堪了一年事
便是先民沮溺徒

梅雨

梅雨絲絲一月餘
敝廬卑濕不堪居
揮殘塵柄驅蚊蚋
焚罷芸香走蠹魚
多病年來惟斷酒
癡狂老去苦耽書
小軒沐後迎明坐
白雪紛紛愧滿梳

九日

秋閒不問景何如
瀟灑蓬門冷淡居
已辦新詩賞籬菊
旋開舊醞剪畦蔬
芙蓉江上烟雲散
楊柳溪頭夜月疎
漫說登高酬令節
漆園老吏有殘書

留別方南淙

一病侵尋兩月餘
強支衰骨卧幽居
夢多老景無關事
學失平生已讀書
知己偶同三日話
積懷真覺一時舒
朝來葭管陽方長
漸有春風到草廬

歲首復次前韻寄南淙

燭燒殘夜尚留餘
照我平生小隱居
林下已知除舊臘
街頭見說賣新書
風生白屋春光動
雪露青枝秀色舒

音耶風牙卷二
我獨有懷倍惆悵與君同調不同廬

周東泉用齊山杜韻贈鼎兒次荅

遊絲不定柳花飛春意遲迴樂事微江上美人招不得
雲端高鳥倦應歸好憑淺酌消長晝更遣狂吟送夕暉
白璧黃金須待價文章豈負芟荷衣

宿巢山寺聞雷

崆峒夜榻月三更枕上遙聞霹靂聲喜共老僧眠得穩
絕無驚恐到天明

春盡二首

柳壓閒堤花壓枝青州從事日追隨呼童旋掃雲間石
與客閒敲石上棋

雨過南軒春夢覺風來北牖午天長千絲細柳垂新綠
一院名花散晚香

遣懷

碧水垂楊兩岫間楊花鋪地水環山更添一個癡呆老
坐此真成一樣閒

沙鷗

無心飲啄向沙洲伴侶相隨逐水浮曝罷羽衣眠得穩
夢魂無復上林遊

鷺

屬玉雙飛落水忙昂藏驚起睡鴛鴦水鄉莫道無猜忌
鷹隼無情亦可防

鵝

火掌冰翎浴水清長延曲頸向天鳴幾番欲寫黃庭換
秃筆無鋒寫不成

桐溪兄長駐車皖城久候不至

酒熟橙香晚稻黃開樽獨對意茫茫碧天一色秋光靜
雁字遙分作兩行

題郁惟廣春野卷

走遍天涯幾市城春風杖屨踏莎行半生羈旅鄉關思
都在江舟短笛聲

與南淙痛飲插花

乘酣雙插髻邊花嫩綠新紅壓帽斜盡日南風吹客醉

相逢總是惜年華

春興二首

春到園林水到池杏花初放隔牆枝小亭清敞人閒坐
細讀淵明歸去辭

雨長檐堦草色新荒村索莫也知春東風溪上閒來往
野服青鞋烏角巾

謝客

午窓清晝一聲鷄幽夢初回日未西風掃落花庭院淨
柳絲深處轉黃鸝

新埠別墅隣家邀飲醉歸

古壑雲歸欲暮天醉騎白馬過西川孤村寂寞柴扉靜

坐數風榆落幾錢

醉歸

听邊楊柳路傍花馬首西山日未斜莫道田廬多易主

眼前還是舊人家

方

見

字惟素瓊州太守向之子嘉靖間貢生年十七從父之官賦黃鶴樓詩與寄超遠比長才名益籍甚皖守泰安胡公績宗嘗召與論文面試存存堂記安慶府志序倚待千言文不加點邑令燕山蔡公銳過其鄉賦詩云古木寒鴉集溪橋老衲迎欲共南淙語黃昏到赤城南淙公別號也既至蔬盤村醞相對甚懽族有國子生椎牛治具要之弗屑也承天孫公交莆田林公俊泉州王公慎中皆數千里走書問其為名流所推重如此所著有南淙稿空石遺音諸集

晚霽

積雨晚開霽池塘水自深殘霞明柳色斜日淡花陰漠

漠烟橫浦飄飄鳥入林采桑何處女歸去露沾襟

晝寢

倦坐拋書帙偷閒入睡鄉曲肱聊當枕隱几不須床漫有莊生適殊無寇老涼乾坤皆夢境浪笑說黃梁

何處難忘酒

何處難忘酒文場戰敗歸虹霓蟠逸氣魚水失真機落長門賦飄飄白苧衣此時無一盞愁不破重圍

雨中

愛此三日雨幽居逸興多殘紅飄野槿嫩綠長庭莎倚柱時高詠行田只浩歌出門何怕濕壁上有漁蓑

送別章惟仁

前明風雅卷二
北鴈忽南飛先生又說歸一燈留夜話片月滿秋衣水
澗蒹葭冷山溪芋栗肥故園三日近明發思依依

中秋述舊寫懷 去年此日得
亡妻訃音

忽得南來信傷心一泫然出城驅瘦馬附便問歸船茅
屋蕭條雨藜床展轉眠如何今夜月人意又難圓

宴坐

宴坐白日晚蕭然隔世情隙光留短晷落葉走書聲青
白分雙眼詩書快一生翻思江上客風浪幾時平

下第後客邊重陽和蕭應元韻

客邊聊爾過重陽得失無憑傀儡場試劍不逢龍在匣
登高能賦筆生香儘多風月憑天付若大乾坤任我狂

三百青蚨都買酒客邊聊爾過重陽

送高大尹之泗州

百里陽和藹頌聲大夫今已任專城疆隣淮水龍飛地
最屬銓曹鶚薦名行李舊囊雙短劍驅歌新柳幾長程
雲霄事業還青鬢回首鷓班列帝京

過袁太卿石塘山莊賦贈

笑濯塵纓拂錦袍歸來卜築混漁樵石連屋後雲根遠
山峙庭前天柱高嬾得一閒眠白晝傲將雙眼看青霄
丹成莫道凡緣了又見池邊長鳳毛

夜酌七弟限韻時章惟賢在座

一樽良夜醉嬋娟露下花枝濕翠鈿情極不妨賓作主

音賦風牙卷二
樂深思費錦爲纏放開青眼逢人好掃斷紅塵與世懸
我欲覆杯君莫去松風雙耳付高眠

偶讀王梅溪集見其述懷詩大有類於予事而深
感於予衷因次其韻錄寄西川弟

年過三十百無堪世路多岐日漸諸貧共糟糠賢有婦
幼需梨栗晚生男絕編敢謂詩無用入境須知蔗有甘
三復遺篇翻大笑此身今是幾眠蠶

再次韻答西川弟

莫笑年來百不堪儒家風致飽能諳羣咻何害爲齊語
獨守真當效魯男富貴門多還布葛詩書味好勝肥甘
釣絲未肯輕拋手甕甕攀桑正育蠶

九日同西川訪克弟和杜工部韻

翩翩風袖布袍寬望裏吟懷醉裏歡潦倒不知秦歲月
疎狂如見晉衣冠池邊碧柳情含瘦籬外南山色帶寒
後會未須論健否百年終作等閒看

謝周鷗沙惠紡紬

萬縷千絲宛轉長玉梭聲裏看成章輕欺楚練含風軟
潔比吳綾妬雪光投我喜同青玉案報君慙乏紫芝囊
極知情在冰霜日肯信秋颺易得涼

東風商婦怨

雁已因寒至良人未到家多愁無可奈夜夜卜燈花

莫去晚塘諭鷗來

莫去灘頭宿還來此處棲而今垂釣者不似爾忘機

春日

東風吹紫陌到處起香塵病骨何須酒晴光自醉人

飲野人見墳上花枝

墳上花枝好墳中人不知對花如不飲春色笑人癡

次蔡少白邑侯見訪韻

可人留夜話山月似相迎莫問更長短村居不近城

牛背鵲次蔡少白邑侯韻

倦飛落牛背歛翅借牛行千里從渠到牛無相負情

秋夜

窻外蕭蕭雨竹池邊淅淅風荷一片秋聲到耳起來問

夜如何

魏野鶴

元是青城道士曾見赤壁坡仙誰信平生踪跡如今落在君邊

投子山春日

桃花拂檻柳垂堤竹繞茅墻傍小溪天氣困人初睡起

隔林黃鳥數聲啼

寄謝孟元

休問違君是幾時請看樓外綠楊枝別時尚是青青色帶雨于今拂地垂

陳搏圖

音賦風牙卷二
颯颯松風耳不聞如雷鼻息震蒼冥世間多少邯鄲夢
不及先生夢一春

晏起

閉門松影到牀邊日絢晴虹雨後天病酒不知秋早晚
悠悠身世付高眠

漁磯

山骨巉巖一片青苔痕點點帶魚腥婆娑老子持竿坐
一線風高九鼎輕

石山

名園轟轟倚雲根朝夕烟霞自吐吞太華不知高幾許
此中幽意亦堪論

雨中思家

燕山楚水四千里細雨斜風十二時客況渾如秋色淡
挑燈獨坐數歸期

訪西川弟驢背自嘲是日大寒

長安落葉舞西風驢背雙肩竦半空寒似孟郊詩不似
清冷籬下聽秋風

吳梅屏先生乃郎以草名呼之坐間偶書便面

惟草惟風義自真吳郎何事草名人梅翁此意吾能識
草有靈芝木有椿

方

充

字惟美號槐亭嘉靖時諸生南淙公之弟

黃山歌

我聞廬山高入天武夷名勝堪並肩黃山崱屺擅江表
色凝佳氣春花妍聯峯杳嶂總齒萃朱厓石壁俯清泉
玉烟吐翕巒巒外金屏疊蠹斗牛邊山因仙名固恒理
楊君昂昂甘徒倚自分丘壑謝塵囂手招黃鶴蹠蹠起
君不見仙人玉喬樂與羣四皓芳踪差可擬又不見下
帷繼董坐春風獨立庭前尤訓鯉垂籤架滿書揮毫雲
滿紙心比谷中虛不屑逐侈靡黃山兮黃山兮春到欣
欣木向榮信是公門多桃李

姚希廉

字崇賢號葵軒大叅公旭之曾孫也積德累
行為善於鄉自念家世不振延師課子每歲
晏輒考鐘鼓持塾師俸錢再拜陳家廟然後致諸
師以為常嘗以麥飯不克追呼到門作感懷詩嗣
子孫相繼貴顯自觀察公之蘭而下屬而和者幾
二十餘人慈榜珠聯瑤篇玉綴一門科目之盛蓋

吾桐所未有也論者
以為積善之報云

感懷詩

予少治章句長習躬耕顧以世族之後恐遂式
微用羞厥紹訓子尊師既忠且敬單衣糲食終
窶且貧詈語盈庭空怨天高自跼追呼在野敢
云門設常關子無馬氏之白眉徒羨魚而結網
身似曹家之黃雀甘見鷄以投羅率爾成章少
宣抑鬱亦以示後世子孫苟富貴毋相忘云爾
四十年來光景殊蹉跎歲月竟何如兒童五六饑寒迫
家計蕭條事業孤爨火烟餘蒸麥熟竹籬掩罷聽征呼
重重樂事人間有寥落淒涼似我無

方

璽

字與節瓊州公之伯兄也性孝謹沉默寡言笑好為歌詩晚年棲隱湖濱築晚翠軒涵蒼

亭嘯咏其中自稱一得老人所著有一得稿今逸不存偶讀綠槐窻詩見其集中載有唱酬之作得詩三首亟為抄出亦古光之片羽也

咏雪

寒威先作北風聲寒骨還從半夜生潑水衾裯眠未穩
鋪鹽庭戶看來平曲高難使巴人和見少遙憐越犬驚
萬里關山半羈旅不知多少故園情

六出花飛亞秃枝忍寒偏耐北風吹封條漫作三冬瑞
宜麥先防五月飢入地遺蝗深幾尺爭巢凍雀開多時
漁人何處歸來晚惹得紛紛滿髮絲

次韻荅吳仕富

春風三月識君時皎皎珊瑚玉樹枝今日思君獨惆悵
逢人重讀寄來詩

錢元善

號存菴桐溪公長子以蔭官都督府經歷仕至魯府長史有詩名書法絕佳尤為人所藏

弄等干拱壁

舞雩臺同趙東山劉小航避暑

夏日風生暑氣收村居竹徑轉通幽人初出郭花饒笑
雨欲催詩雲滿頭共倒金樽憐舞袖閒眠紗帽對浮鷗
高堂一笑相逢地河朔能教續舊遊

同魯田彭丈東山趙丈踏青南郊竹村殿下遣家
樂餽酒饌助發遊興神思飛越一飲至醉次東

山韻

笑攜壺榼訪春郊佳節清明又一遭花柳頻年催旅食
主賓終日醉醇醪慚無詩句追錢起賸有歌兒賽薛濤
酩酊不妨歸路晚高懷應陋五陵豪

春日感懷次中立殿下韻

東風三月景依然弱柳遊絲觸處牽家遠隔年無信到
官閒鎮日枕書眠林鳩逐婦晴應雨沙燕將雛去復旋
遙憶故園春更好江樓背郭看鋤田

龍眠風雅卷三目錄

木厓潘 江蜀藻輯

三原孫枝蔚豹人 參

同里陳 式二如

齊之鸞 九十五首

龍眠風雅卷三

木厓潘 江蜀藻輯

齊之鸞

字瑞卿號蓉川正德辛未進士本中山王裔也舉孝廉魏上公厚遺金幣公固却之因更齊姓官給事首發宸濠奸謀力爭武宗留駕及南幸復著回鑾賦以寓諷諫江彬譖王文成通濠公前後論救凡十一疏卒以言謫尋擢僉寧夏單騎走塞上見饑民食蓬子因封題獻御至花馬池小鹽池毛不刺榆林等處城守弗固公掘沙鑿泉甃石為城三月工就一軍大驚都御史舉以自代後遷河南提學歷順天府丞所著詩有南征紀行人夏錄諸集歌行力追少陵近體直逼初盛洵詞壇鉅匠也朱之蕃稱其道勁明詩選誤為無錫人

晚宿良鄉

我行至良鄉車駕已臨涿官藏供億繁吏走威勢捉人馬正饑疲晚來粟一握華館據高軒敝廬聊破幄塔前

音耳 雁牙卷三
樹却佳綠葉全未脫獨坐新霽清悠然念盤錯自顧章
句生胡此擁矛稍感時不成寐起視明河數月色忽半
窻枕上聞吹角

新城夜宿

自入新城界風物倍蕭瑟官道半爲渠潦水流未歇斷
株如頑石楂牙卧道側馬足凌兢行東西路曲折晚眠
太僕寺舊榻啞饑蝨捲衾就地鋪聊合雙睛澁一宿豈
求安茲行爲討賊經過廢弛多感歎意彌惻當是災傷
餘民窮賦歛迫邑中多近臣玉食累千百君側豈無人
將非吏政闕

後齋

爲陳伯度作

齋胡後爲名英雄將自謔不見終崢嶸誰非始落落春
華過眼新秋實竟咀嚼躁率進恒輕老成顧每却惡盈
聖者訓姑子老氏學譬彼稱良工抱奇罔示朴譬彼國
手奕毋令末著錯君馬何不駛君穎何不脫但笑終南
徑豈慕揚州鶴糠粃故自前萸稗信有獲終羞二鳥賦
竟恥十禽獲諒君歲寒心高見千古卓寄語捕蟬徒爾
後有黃雀

龍門龕

伊水出龍門疏鑿惟禹績溪滌滙澄潭雲斷劃絕壁泛
舟巡南厓諸龕空翠滴遠疑民窰居近聽境寥閭黃冠
一人來導我縱幽覲何年驅鬼工穴堅隱金狄刻劃開

音耶屈牙卷三
生面精微神儻倜然丈六身大小隨利剔虛扣鉦鼓
鳴響應伺考擊晉迷沿東都拓跋陷愈瘳荒哉魏王泰
孝誠空爾激不知文德賢坤美符帝錫何事石上灾千
古不可滌

稠桑道中望黃河

桃李蟠土山谷入昧所出地底無傍風天際有中日仰
視耕穫人轉折忽相失久登蟻緣枝幽盤蠹閉帙僕夫
虞殞傷反汗更股栗子將慕王尊馭吏屢遭叱徑盡躡
河壩黃流過箭疾踰關勢彌雄四嚙奔馬逸不知真宰
意何貴砥柱窒汜濫民其魚豈止桑田溢三門中古開
神禹功誰匹至今沮洳場盡作粳稻窟予生髮半蒼世
路才不一及茲瞻華嵩眼豁心神狹太史嗜南遊吾當
分北軼山川助英華奚必恒近密向來險遠憂茲晨蕩
已悉

慶陽卽事

北鹵風氣佳地險兼天起依山羅雉堞萬戶安枕裏東
委沙漠流西遡環河水兩川併南淙溪嶺互激詭不窟
神明餘草昧固有以獨詫泉源懸井甃不居市城中皆
谷汲疑非經變理或言郡治東鶩池昧經始慶曆加疏
浚玄澤隱河涘窈黑近龍宮緩急公私倚則知濟物心
往智實相邇石眼貫少陰誰當踵前美兩池竇清深分
甘徧生齒斯言非謬悠羸瓶弱者死

皮服嫗

老嫗髮始艾，諜卒借以來。問之何皮服，泣云胡中回。嫗
兒鮮兄弟，嫗婦初字孩。嫗家平羗堡，隨兒耕山隈。屯田
五十畝，旱久生蒿萊。今年雨澤勻，麥實被根芟。五月趣
刈穫，官稅恐見催。忽報胡西入，烽烟雜黃埃。旋云救東
至，鐵騎轟迅雷。以茲不復走，柴門眼恢恢。誰謂賊無憚，
對陣掠人財。我軍退自保，堅壁城不開。賊東不越渠，渠
西家被災。破戶殺我兒，長革繫婦顙。驅婦鞭牛羊，孫懼
哭聲哀。最後縛得嫗，馬首行崔嵬。追兵無影響，來應靜
銜枚。明月千山籟，酸風萬竈灰。胡言不可解，胡心乃多
猜。褫剝我衣禪，皮毳授詭裁。賊悅婦美色，防守雉在罍。
吞聲姝少羣，華語顏瓊瑰。嫗別與嫗類，並繫囚莓苔。解
繫夜奔逸，忍饑愬憲臺。永訣兒孫婦，生死兩悲哉。聞罷
書成篇，以告衛霍才。

懷臺西蔬圃

河渠繞夏市，暗通圃中畦。小池樹陰底，晚憩恒鷄棲。清
月照天末，涼颺生檻西。林禽下初露，未拾棗與梨。蕭然
舊風徑，如含故主悽。牡丹春不開，紅藥委芳萸。蜀葵一
何盛，獨艷衆蔬低。蔓摘有新瓜，甕蓄餘陳壘。朗吟清夜
酌，高視惻久稽。鳩來忽浹月，念若桐南溪。肥茁與甘實，
滿腹恣臺奚。歸應涉蕭索，感嘆桃李蹊。

經過故楊副總兵賢花園

衡門臨廣路中有采椽居方墻蔬菽畦宛若幽貞廬
蘭煥西翠黃河蜚東渠幾樹清明風花葉雲錦如鳥聲
豈不悅入耳成踟躕
荆者苦莫守覽者暫停輿塵勞蔽
性靈銜杯惜居諸王事存吾道誰能歎歸與

寧州曉發

燈火啟巖城戴星行未已夜來下絕坂左右崇墉倚昏
黑迷前旌時顧斗杓指晨鷄登頓初險澁曙光紫林原
行山巔溪壑行地裏陂陀首乾龍浮立土不滓所以穴
居民患燥不患水改色視井泉卑棲固其理耕者百仞
上汲者千尋底下山阻深溝上山據高壘四鄰守無虞
塞馬徒爲駛民貧獨可憂咸秦此唇齒

用韻報一竹給事西山之約兼簡棠陵秋官

秋風將掃西湖溽湖邊山色淨如漉勝地曾經翠輦過
名崖多結高僧屋渴心此日坐生塵涓滴甘泉向誰沃
昨朝詩枉棠陵約終夜夢繞雲岩宿淡烟錦爛芙蓉花
初月龍吟杉檜木何可長安居十年不就此中飲一斛
一竹田郎故好奇新詩首首皆堪讀便須策馬披煩襟
還擬臨流濯倦足與爾更是同舟人且上高山俯深谷
論一竹病足兼柬棠陵

聞君裹創卧炎溽葛巾并廢葡萄漉分番見促煩友生

梁騰實給事先用此擁衾徒切瞻黃屋痛定本異膏育

韻促一竹出入直憂欲愈未免湯藥沃爾來我暫釋負荷

音耶風牙卷三
跡疑忘昔宿料非輕出犯垂堂兼非暗投踏械木塞翁
無須論禍福大官何遽慚升斛亦知非謝簿書忙五十
百步燈火讀直當坐使良於行况有葵能衛其足亟報
崇陵且緩期忍見支筇跛岩谷

答一竹病足韵

田生所至消息大前聞寺裏高軒過屈指距今兩月餘
胡爲更道捫足卧輕傷便爾病大瘡坦途莫謂無坎珂
抱膝遙憐七步吟成創豈但一毫挫諫院久浪登仙名
六科左右給事得朔閉門方切洪恩荷敢將越瘠視交
望守科故謂爲登仙遊暫理湘簾供睡課塵凡却無九節杖殷勤莫效一搯
佐勉終遠詣看超驥勿因小蹶附衰懦吁嗟兮扶顛自

愛竹一箇清班正愧糠粃簌

次方思道後短竹歌韻簡茹均州光祿兄弟

君不見光祿新栽數莖竹秋官作歌思何速竹裏陰疎
不可坐竹上露晞不盈斛琅玕聲價滿長安特以均州
與光祿更向秋官經品題此竹遭逢信無恧均州祭戟
今將移秋官昨復臨送之重續長歌卽報我歌詞語意
含悽悲苦云愛竹惜竹短對竹引卮不能滿萎黃憔悴
爽不生堂下炎官張大傘豈因客土根難安明光急索
金銀管徒令徑造發長歎謾坐主人澆沃嬾干戈報至
理霓裳有城垂克待晨粧眼底紛紛惱人意栽培何暇
多感傷均州南風正密邇此行須早煩經量我家蓉川

音耶風雅卷三
君去路修竹陰陰舊草堂卽今聞在荆棘裏滿園鳳尾
空斷腸安得攜壺候三逕與君酬酢一相當嗚呼均州
何能復愛竹到官急令采美箭不妨直斡伐盡雲山蒼

見樹窓歌爲方思道秋官作

棠陵山人足風致城市每有山林趣西曹簿書急相仍
退卽開窓對嘉樹坐愛明窓塵不起綠陰院落澄如洗
翛然何異林居清况復得之公署裏爾昔計偕來越東
旋復作吏向吳中青鞋布襪經行處秀水佳山多異踪
自從闕下留鳧鳥海鶴蹠蹠却在籠世故驅人苦束縛
一枝棲處難從容曹司見樹見客同瀟灑窓前興味濃
雲來氣接西山雨鳥弄涼生少女風黛色可當袍笏拜

青柯不雜桃李叢有時得意歌白雪封題報我詩幾箇
嗟哉窓樹大幾許從前凡經幾易主乃今得喚見樹窓
宦海風流茲作古還惜曹司更代頻繼爾之後復何人
長得愛樹如今日豈令斤斧摧爲薪爲薪爲棟休預擇
自古芬華迭衰歇等閒欲免牛山悲漢家溫樹應不伐
爾才縱逸不可當毫端光燄容遽滅見樹之作何獨闕
細和我詩千載揭

雄縣南曉渡

扈駕南征作

涼蟾浴魄溪光溢老樹疎星霧前失北軍怯水馬驚船
日中渡者猶未畢此船之下平田地黍苗浸死生荷菱
野叟操舟疾如風誰云駕浪非長技憶昔計偕頻歷此

音耶 卷三
修途輕轡行迤邐浸淫誰使雄鄭間相望漫漫四十里
採蓮鈎菱饑可餐鏡歌鼓吹軍聲謹從來積水蛟龍蟠
但訝江風吹怒湍

景州道中

景州水決桑園東奔沙走石民田中高黍離披總無實
低禾盡入河伯宮豈惟禾黍傷頻滂行人不得遵周道
百里華駢半日程紆迴昏黑何能到安得地置良有司
食民脂膏恤瘡痍蓄洩有備人熙熙皇華使者亦相慶
拔足泥淖行坦夷

沛縣謁 駕夜歸

歌風臺下大風起飛雲橋邊萬舟艤夾道爭看虎旅來
入舟一笑龍顏喜紫花罩甲紅繡衫五拜趨蹌望錦帆
月裏從官徒步散填街鐵騎響金銜

徐州小溪橋晚泊

官舟晚泊黃樓下汴泗交流駛如馬霜氣先鳴登岸風
水痕半漬居民瓦星河鼓角聲動地樓櫓旌旗色照野
至上西行未肯休蕭蕭大樹無人舍

次方思道玉簪花歌韻贈丁德卿員外

考工卧瘡昔杜門秋官策馬問寒暄主人好客客好事
倒屣踞床共啟軒軒下玉簪花正盛新篔問婦開芳尊
花逢好景人偏愛素蕊幽香久還耐月娥新梳綠霧鬟
斜插數枝多意態仙種疑自廣寒來化工幻作藍田類

絕異塵中爛熳叢膩紅俗紫空形穢涼露濡香淨可吞
剛風吹折猶堪戴玉簪花對玉人清何不遣騎來我迎
蓉川平生好乘興聞奇不惜秉燭行二十四朶雖落去
歲蕤尚有葉與莖思道歌云且聞六月開紫玉二十四朶懸一莖但見秋官歌
一首筆勢顛狂猶帶酒索我和章期立成吾豈苦作耽
佳叟南風沸江江有聲綿才幸預從親征捲還寧暇事
蚓竅且向江滸收長鯨丁生亦別玉簪至謂我安得終
無情舟中吮毫為子作玉簪回首成今昨凱歌聲近陽
春來與子歸醉花前幕

前太平歌送李寓山秋官赴召詣闕

李松字節夫

太平景象臣不知聊于秋官李子行卜之秋官起家固

安令畿縣風清多善政徵入便合登台階留都粉署紆
奇才正逢左右開湯網平反屢報矜青災昔歲戚雄潘
壯為御史上書言事忤天子有詔逮繫立武獄牘吏搖
手畏中旨秋官恐傷盛時美摧沮直氣執法恥釋之末
減犯蹕金戴胄論寬校尉死獄成自詣御史臺願伏違
詔歸去來精誠格天天為回竟薄其罪何嫌猜南士謹
聲騰萬雷乃今復以諫官召聖代用人破常調手持三
尺能死守身為諫官豈杜口君不見陽城救贖遷司業
石介詠賢禍終烈君以違拂受簡知千載廟謨獨英特
送君憶昔叨鎖闈豺狼當道狐假威涓埃莫報身已累
舉足坎壈逢危機君今此行戴堯舜張膽明廷無繫吝

前集卷三
勿謂治平聊素尸賈生汲黯真吾師江風五月吹利涉
長蛟驅鯨助擊楫持杯謾及邊隅事聖朝臣直頑自格
靈州到日走馬索願聞李生入朝太平策

後太平歌贈陸弘齋廷平赴召詣闕

陸鰲

秋官既有執法召廷平復以有道行臺諫用人每如此
天下安得不太平艤舟且勿發停鼓且勿伐滿引江上
杯我歌詞清越詞清越江森漫五月風絺沁雨寒薊門
黃紙三千里白下衣冠望闕歎陸賈詩書真國士誰其
推轂良亦智始君講學陽明山彙括知行朱陸間近來
傳得甘泉秘聞義必爲如轉圜詩文雖小技組織無不
好登君白玉堂始見潤熙皞門下殿中皆侍從得君爲

之亦增重士須先識用明時入朝始劾明時用堯天淨
徹無片雲台階光潤連斗文邇來何爲太白復晝見蝗
飛蔽天滿江濱君讀洪範知咎徵宜向朝廷敷所聞惟
皇致和銷稜氛其次莫若務薦賢君子滿朝福萬年平
生識君非委瑣飛騰有神先告我予春嘗爲陸得佳夢臨岐莫怪
語太頻爲君胸中增磊砢疆場微臣翹首太平心如火
與述兒乘別舟至三山舟人醉而觸石覆焉倉卒

脫難感而有賦

三山近在吾几席舟人笑弄烟波碧長風鰲背片帆輕
掌底微茫伏怪石狼牙暗觸聲劃然鷁彩無神舟辟易
安流未解濡衣袂頃刻澌然百板折檣勢顛危柁力殫

獨仗太阿縮泉脉斷蛟再起楚屈原檄鯨責問唐李白
弱子號呼響入雲漁艇踉蹌旋脫厄龍宮釣取五經笥
爲有明時濟川策餘裝聽爾自浮沉身存豈復長物惜
請君勿憂黃河萬里從天來請君勿憂賀蘭山上笳聲
哀丈夫平生四方志禍福遠近何常哉

夜聞隔江虎聲作洲虎行

天用神龍地用馬虎穴在山非在野咆哮靜夜江上洲
水溪月白胡爲者豈因渴吻奔洪流饑逐孤豚過漁舍
連荻青青續漲高歸路迷真誰則假魚蝦瑣碎不可食
罟獲兼虞泥沒踝長空一嘯悲風來隔渚猶能飛屋瓦
但恐虛聲賈實禍技窮豫且挺义下何不掉尾涉清波

得到雲林卽瀟洒

松蝗歎

黃楊有閏槿有夕未聞松有歲時厄禾苦四蟲木百蠹
未聞蟲能竭松液桐鄉民俗好種松大家小家山青葱
胡爲一旦蟲作祟緣枝食葉葉爲空蟲長二寸身有毛
黃黑色雜饒如螻蠶食葉盡蛹歸繭繭蕃百子嗣老饕
土人皆呼爲松蠶繭雖纏綿不可縲吾聞北方有蝗一
種類此蟲食穀氣化南來豈其曹堅貞高大松最壽針
鋒勁銛且細瘦蝗不食禾乃食此帝將寶穀爲民祐或
言貞象有德高象位變異來應君子受天道深遠豈其
然代民蒙殃爾何咎但使蒸黎歲飽食何惜萬山蒼翠

音韻原牙卷三
爲薪樵嗚呼何惜萬山蒼翠爲薪樵

飛蝗歎

書西平縣臺屏

光霍新蝗如游蜂饑喙所至民田空汝蔡舊蝗類啣雀
飽飛刺天勢彌惡久厭北穀恣老饕近切南禾如刈蒿
舉家勤動克爾腹無怪曠野悲號吽旋遺種類何勞乳
黑脊黃股號蝻子春緬布地秋跳梁誰云冬雪能壓死
盤空穿市忽填積貫索纍纍厚盈尺捕瘞莫盡摧使車
田祖無神暗嗟泣吾聞天神尊者稱太乙遙治三才尸
道疾胡爲盞氣獨傷農水旱四蟲災匪一東方青龍澤
穰稔代天降康雨天下毒霧腥雲胡少靳壘粉此蟲惠
鰥寡西方白虎口呀呀習噬婁豬與艾豕陰風不爲行

肅殺覩顏蜡食何心耶北方玄武水之精漂殺人畜歲
靡寧蝗飛渡淮且渡江何惜涓滴泪其生南方朱雀炳
離兩烈澤赭山猶反掌弱羽翩翹畏日中赤口雖炎底
無恙脩途日擊衷隱憂咎徵洪範情所求行臺客睡何
曾著月裏空明爛飛落起吟掇拾書且歎傳語姚崇細
商摧

靈武臺

唐王推心腹封豕長蛇非我族漁陽鞞鼓破竹來猛將
當關六師覆鑿輿倉卒幸西南馬少不能偕骨肉當時
豈暇計大勢成都僻遠難興復太子若循扈蹕恭世事
一去如轉燭天意人心繫北轅權宜勸進宗社福裴冕

寶冊亦徐至父位子有何嫌惡竟用李郭收兩京上皇
尊貴旋黃屋獨恨表裏妬濟奸大孝致譏倫理瀆靈武
臺高幾仞環江雲擁烏崙峻唐家再造此深機誰云篡
竊非其正君不見房瑄于時建策長詔使諸王領節鎮
祿山把詔長太息從此四方知響應靈武臺高幾仞黃
袍加身勝溫清懸合瑄謀逐唐命

秋雪行

九月三日平山墩大荒泱泱行旅奔陰風怒號西北至
彤雲四布天晝昏半空飛沙雜霾土旌旗慘淡吹涼雨
前入朔河作霰零硝牙齶齶霰縷縷咫尺鹽池勢轉盛
水花玉塵兩清淨瓊瑤雖好絺綌單長纓欲結指生硬
憶昔官進蓬萊闕菊時曾踏燕山白十年江海鬢蕭騷
此日窮邊更秋雪

侍大中丞聯峯翟公同赴張監鎮紅花寺湖泛舟

觀魚

行舟塞北一大奇鳥况有澤魚有陂鱗拋網面白玉尺
殼揆葦底青琉璃膾飛卵剝金盤入禽毋護巢亂呼集
安知赤鯉非龍兒老蛟應恐餘波及庖人務豐志莫測
鸞刀互鳴几重拭天吳驅鯨助割鮮濁浪猛風天晝黑
吾人志在水與山奚事杯盤鼓吹間公命覆鮮罷罟釣
潛吟翔舞聲關關和平協樂樂貫珠洛璫漢珮羣仙趨
西日旌旗急歸權賀蘭瞑翠浮虛無萍踪樂罷悲感至

音耳 屋牙卷三
萬里從公故人意王陽將奈貢禹何莫怪尊前舊恨多
端午侍聯峰公閱將士騎射

軍門午日看扎柳此戲傳來應未久都城六邊各盛行
楚粵三吳未前有往年競渡誇水嬉撇旋捎瀆舟側走
及茲馬上覩天巧神鬼行空遺踐蹂朔方健兒好身手
沙苑攻駒半龍友登壇令罷鉦鼓鳴生獍肯伏調良后
就中神駿絕可憐技癢四蹄始驤首翩然兩轡亦長物
出有入無惟意受雕盤猿挂又蠖伸轉足跳身運無肘
電搖赤日雲本閒風起青蘋虎先吼奇窮妙盡不相下
趙王鼓瑟秦王缶朱旗再閃壯士呼旋馬彎弓倏分耦
馳道東西金作侯小者如盤大如斗向來儼捷今或不

一金數自有奇偶百步控弦何雄赴得者氣勝失者負
貧士斷金飽數口不得之家紛內咎公將持此激責黜
不獨爲歡勸杯酒會看守固攻則取勒石燕然垂不朽

峽口

生犀飲河欲北渡海月忽來首東顧馮夷舉手揮神鞭
鐵角半摧河上路至今夜有水泣聲罔象欻歔鬼姦露
土人作渠灌稻田玄靈委順不敢怒

土人呼山爲
卧牛故云

山現

溪山蘊真盤蒼蔚非霧非烟結靈氣方隅城郭曠野開
樓堞旌干形彷彿東梧憲使言有徵山現海市冲和凝
三秦拒敵此要害會分重閫誅憑陵

石寺

浮沙聚散陵谷遷土木塊然千載全
幻鼠導開浮屠窟
衆生地底瞻諸天金人出現鼠却走
富媪佞佛更誰咎
陶復沉沉香火溪邊珉望門首重叩

紅花寺前泛湖奉命作

少師入夏窮夏奇策馬登臺舟泛陂
紅花寺邊好湖景
初冬水瑩寒琉璃琉璃椎碎擊楫入
潛鱗宿翼泳翔集
太阿光動龍渚吟九首天吳逃莫及
沉竿要爲深淺測
竿頭水怪血頻拭中流覽物念浸淫
葦短無花荻穗黑
扣舷起面賀蘭山佳秀胡爲戎夏間
四朝元老久密勿
中書無事西臨關卑微安敢歎遺珠
短髮風塵任所趨

阨塞河山險頻失國恥能辭士獨無
江海萍踪爲公至
奇功偉節生平意乾坤知己復若何
要使旂常公績多

歸德水

洞門徑仄林谷幽水避腥羶東向流
浮嵐照翠磯有聲
一剎入口神骨清華風搖漾愈脉脉
以識去就歸德名
胡爲過謹高卑禮出山咫尺行沙底
大麥焦枯小麥黃
山前草木燔根柢二螺垂涎半空外

打磴前大螺峰

雙髻飛

蓬曾莫洗

谷口有雙髻峰

乃知溪澗亦朝宗望洋先伏河伯雄

行潦蹄蹤顯易竭資深富媪趨龍宮
太險蘊泆神千里
誰云不與大海通君子爲潤雲爲雨
濫觴觸石時足取
尋源剖竹記夔人剝木較功抱甕父
豈惟萬夫唇吻寧

首耳居牙卷三
長城燥土下建瓴蒼生保障天所祐小臣苦心庶無咎

靈州棗

靈州棗靈州棗槎牙庭前天地老棘針半鏃春鏃小何
年結子與瓜齊甘如竹實鳳皇棲惡少爭攀擲瓦礫生
意剪伐同塗泥帝遣羨門求鳳來噓枯腹悴花重開元
封旌旗亘萬里青鳥啣花壽玉杯衛公雪恥休大樹頡
利突利爭相附二兇頸繫兩株高素車素馬花並素中
興至德遠承家臺上赭黃凝黃花張后拂花樹底笑鷄
翅行棋樂未涯樂未涯帝忘歸上皇在蜀誰因依汾陽
赤心貫天日至今口口口口無違

樂遊園歌

名園夙約年年爽草傑花生幾消長撥冗真緣聞所聞
見之四顧抵雙掌空餘唐水隘曲江賀蘭送翠延清賞
當年帝子鳳凰車郊原爭覩分天仗胡爲燕樂生板蕩
宮門薜繡黃金榜淒風下果藥欄中湛露肥菘蘭畹上
圖書歌舞非昔時不獨長安事可悲秦川未改繁華歇
千古猶歌杜甫辭共君此來亦難再脫屣蕭關荷聖慈
安得不吟復不醉明朝謾聽驪駒詩

徐州答方棠陵雲隱山房見招

疎懶晨梳晏淹留夜飲狂干戈紛羽檄樽俎且山房雨
足松流翠風清竹有香招呼憐汝意歌好憶吾鄉

良鄉曉發

紅塵輕拂面白露冷霑衣黍地收新雨瓜籬摘曉暉義
旗人自奮初路馬如飛上策從天下神威縛賊歸

德州憶栗兒

阿栗憐渠幼曾令候德州開舟何太速駐馬見無由篋

內空儲果天涯獨擁稠平安傳令弟夜半解吾憂憲弟書至

云栗兒舟中平安始得寐

兗州官廨

院清亭有竹節近菊無花獨酌不成趣微吟易感嗟淒
風吹樹急細雨傍簷斜秋色征車外家園路正賒

臨城曉雨

明日重陽至茲晨風雨多鳴鳩號樹杪啁雀避簷阿只

作衝泥去無煩載酒過登臺阻行路將奈菊花何

九日馬上

九日彭城路征鞍指顧間晨經高帝廟暮過子房山戲

馬連荒草雲龍擁市闌且須留信宿懷古一躋攀

馬首

馬首青絲絡腰間百寶刀旗梢霜葉下箭拂嶺猿號意

氣輕儒吏飛揚見爾曹誰知杜武庫談笑靜江濤

南巢道中感興

小徑依山去平湖帶郡來石雲孤寺出烟樹數花開桑
梓偏青眼逢迎有白醅干戈回首地喜極淚盈腮

徐州飲王公濟侍御

龍眼風雅卷三
早春京國別此地笑言通翠輦雲霓下黃樓霽雨中坐
憐烟擁樹歸待月生空有客河東宿招呼未肯同

方思道在

河東不至

徐州得命先行

有命傳先發黃昏卽放船橋開人擁渡水遠石生烟驛
路淹三月家園望七年使行成陟屺感激 聖恩偏

光州簡孫德夫同年二首

藩臬飛騰久蘭焚事偶然檻車炎海上尉幕瘴江邊汝
月秋三五關塵路幾千狂歌對君酌香細夜堂烟
老去僉關臬逢君忽此州一樽汝水暮百感曲江遊直
栢衝星立清河近月流含情臺上語露下濕吳鈎

邠州曉發二首

殘月征人早州城奧突間呼船渡涇水立馬望函山禾
黍高低壠烟雲遠近關誰能渠白石種稻濁泥灣
涇北山橫絕穿崖細路高偏懸疑有麓峻極乃平臯嶺
露催禾秉溪風颯苧袍憂勤見遺俗無地立蓬蒿

靈祐驛次毛東塘韻

江路盤山轉頽垣此驛亭寨雲風外白畦菽露中青鳥
雀無歸樹驂騮不在坳誰教心匪石自信跡如萍

清平驛坐雨

紅城真出塞且勿憶江干曙雨飄沙急秋風捲地寒微
巡連戰格旅道庇征鞍制閩籌元老能令聖慮寬

將至靈州

復入人烟境村墟鷄犬聞沙黃偏映日樹綠正連雲古
道流河潤高嵐塵塞氛服箱轅下特束餉馬池軍

將至威武堡三首

候物催屯種肩輿歷塞塵木縈三岔曉渠動七星春花
氣酣歌鳥荆叢翳鬪鶉麥畦青未了路有告饑人
鹵泛春畦白陽回臘麥青山形戎夏共渠利漢唐經燕
早花前乳鶯遲雨後聽客心淹冉冉江樹望冥冥
朔氣疑長閉春深始見花山青橫鳥道日白鬧蜂衙土
屋耕夫墅雲烽戰士家寒帷把殘籍不記在天涯

入中衛城

右臂伸西極寧靈近勢聯沙山橫絕塞河水上映田草
木江南色旃裘嶺外烟壯心驅倦足乘郭思翩翩

山城由澗道饒陽

高溪盤百折險溢旆旌愁石學猿猴掛溪窮鬼魅幽鹵
中冰亦苦岩際隴無疇烟火遙岡樹停車午憩留

渡河時水勢甚盛漫述二首

計往返十二渡

又作臨津渡游魚狎權謳河肥初伏兩岸絕半灘舟草
色風歸馬車聲汗服牛塵容水虛照民物重私憂
龍躍時看劍蓮花匣未虛凌兢新沒馬喁唼舊遊魚積
石浮元氣扶桑倒尾閭陽侯驕不起風淨色雙旛

過河間

爽風輕颭酒旗搖策馬瀛西第一橋水繞郡城秋漸落
烟籠官柳午方消書生軍旅何曾學聖世鯨鯢浪作妖
蓐食下春還出郭塵埃雙鬢任蕭蕭

將至在平

長途秋暮馬駢駢風起塵高雉堞微蟬到夕陽聲更急
樹經寒露葉初飛正聞老母平安信兼喜中丞克捷威
揚策不知行色倦欲沽村釀解征衣

汶上柬劉伯祥年兄

征衫十日苦風塵汶上停驂訪故人無約信知非我避
有懷端擬向君論雲林索笑黃花嫩世路多愁白髮新
聞道江鯨先授首歸時鷄黍莫辭貧

臨城驛夜坐

晚風悲角歛孤軍遼絕滕徐候館分樹杪月華清送柝
兵前霜氣黯生雲市無美酒重陽近人望歸途客思紛
何事金陵千里地棘闈消息尚無聞

晚登黃樓

落日州城並馬躋危樓猶揭昔賢題河流併泗趨淮壯
洪樹連城望嶽迷泉縮民居新出水舟行黍地尚無隄
留連正愛窓前月野宿遙聞暮夜啼

露筋廟限韻

道傍女子死於蚊猶聽居人說露筋古木荒祠來夜月
清風魏碣罩秋雲事傳汗簡遺名氏血染羅襦駭見聞

湖上貞魂千載恨齋宮白鳥謾紛紛

烏江弔古

往事追尋感慨多英雄當日割山河東纔項地西劉地
內忽虞歌外楚歌遺廟欲荒神尚烈大江不轉恨難磨
寒盟却渡誰非是故壘風雲長薜蘿

出冷水關赴

召

使節南驅又北馳關門細雨路倭遲山藤暗刺低鈎轡
野菊寒花淡著籬百里迴車懷老母關去吾家百里五雲瞻日
赴王師蕭岑候吏知鄉誼頻聽西風勸酒卮

登牛首山

為愛城南第一山芙蓉重憩白雲間郊形石祖湘江圻

洞勢中虛日月閒天闕土花函晉寶

相傳宋受晉禪建郊壇于此祇

園珠樹揭秦關蒼苔錦石高峰暮一笑悠然俯八寰

送朱華溪郎中考績入京

朱方字良矩

青雲岐路問江津君北之燕我入秦彩鷁迴風瞻魏闕
黃河出塞近崑崙功名後會身誰健慷慨當歌意自親
館閣為傳知己道書生不解怨邊塵

登太華山

顥氣高浮白帝尊迴翔勢欲遡崑崙西郊雲斷仙人掌
東井星疎玉女盆鳥道半空秦樹禿猿愁絕嶺漢祠昏
蝗飛滿目車箱谷民瘼應通箭筈門

雲臺整展玉泉過積翠層霄引石蘿興軼蒼龍穿紫氣

手持白扇上青柯三千里外籠飛練十八盤頭逼帝窩
鐵鎖半攀懸日月下方雷雨暝陰多

東去永壽道中
客路郵程尚計千塵勞習慣亦安然
以關東邊書馬
大清溪蒸塢樹烟穴土居人工曲突梯山穀壤學平田
征衫怪底晨風急身入金天斗漸懸

黃州將至萌城

西風朔馬陟重岡戍鼓屯笳接大荒池涸四時烹窖水
天傾八月肅溪霜塵埃宦拙干旌遠墳典功疎日月忙
塞北江南差可喜賀蘭雲外疊青蒼

韋州月夜望螺山有作

缺月秋山顥氣高霜清衆斂翠生濤溪通澗谷方逢水
地近鹽硝半不毛胡馬幾年空野屋王宮萬木俯荒壕
何當聽續韓公策幾省千軍轉運勞

小鹽池驛書懷

飲啄微生信有方一官四奏底須忙
銓部凡四擬子江
僉憲最後得夏
東擊楫鱸初美塞北懷人草又芳
寇壓河壩增斥堠書
從天闕借芻糧客窻三尺春分雪喜祝青青二麥長

入寧安堡

河曲當年夏九州屯田春日擁鳴騶
羴羊潤挾郊禾起
米鉢青攢漠樹浮藥餌有情雙眼健
脂韋無智二毛羞
花飄萬點風光急燕語鶯歌喚客愁

家使遣後意緒紛然走筆謾興以自堅勇退之志
書成秋繫雁南歸雙眼河山興欲飛實以病軀來絕域
遂令壯志厭塵機水邊竹徑時時掃江上鱸魚歲歲肥
更數瓜期望遷轉高風吹破芰荷衣

將至花馬池王叅將郊迎設食

岡嵐迴合日光斜毳幕金罍坐剝瓜蔬徑潤含終伏雨

禾田青覆去年沙王庭北徙邊烽少賓雁南飛朔氣加

驛使只今勞戰馬兩池愁聽損鹽花

大小池鹽利分給寧夏榆林甘肅三

邊買馬

聯峰公將至小鹽池草地取路叅迎宿狼巴井

中丞問俗靈州路瞻望清塵草徑斜鞞琫看山謁鐵柱

繩床掃地宿狼巴月遲坐假星為燭雲起眠愁雨打沙
土冷露寒刁斗急漠荒辛苦念兵家

過田州故城

即唐朔方軍也

河外軍藩麥秀中唐兵昔數朔方雄韓公北輯三城路
至德中興一旅功番刻勁銷春蘚碧漢花穠映寺門紅
高雲不罩田州塔水鶴歸巢憂暮空

宿周澄堡困甚

小城投止倦如傷裹革練帷智木床

各城公署苦繁蝨嘬膚因作便巧床

帷裹革隨行床可脫可續乃名曰智木

百草

灘名靈武渡處

春來舟六渡雙渠

湖名

歲換樹重芳腥羶作病難依藥犬馬銜恩合背鄉星月
微茫塵夢永惡聲翻妬曉鷄忙

音韻 風雅卷三
相地至邵綱堡卽去歲巡歷之日

去年此日均田至今歲如期涉險來似與清明風有約
豈因南北路成哀麥田秀潤黃河水版築晴轟紫塞雷
坐久詩書聊解縛蠹魚乾歿卷中埃

赤木裏口墩下坐憩

赤木空濛翠接天懸車路杪下烽烟須驅虎北馮金塔

金塔亦山口
當補砌巔嶺

更走龍南跨玉泉

玉泉營名城當
徑跨其西以南

青草谷

中兼得水白雲崑下盡堪田驅馳庶竭涓埃報心苦三
陞版幹前

視農入王澄堡

西峽朝雲雨脚斜北山天色淨龍沙催歸水曲檐藍女

布谷林中浪稻車

土人以種
稻爲浪稻

浩劫古巢飄鶴羽小畚遺

字繡苔花詩脾不奈邊行暍豆角蒲芽伴煮茶

渡河

馬鞍山下客衣單瀟灑方舟艤急灘鴻鴈殿秋風力緊
魚龍欲夜水光寒逢車莫問公私糴得路翻生去住難
汀草野花陳跡裏王孫別思幾河干

赤木山下閱視新塹

山靈受塹劃龍沙寡婦孤兒喜有家碧草暗斑遺鏃血
黃雲平覆戰場花歌風畚鍤穿林麓接衽壺箠憩水涯
心悅子來延竚久唐渠秋樹亂昏鴉

到鎮三日卽出按部沙井道中卽事二首

三月驅馳到朔方，席猶未暖使旌忙。日催戍鼓聲初起，霜壓沙蘭氣自芳。廩食欲分蓬食味，客兵須借主兵糧。蕭蕭萬馬西風外，何處青山綠草長。禾田南盡見民窮，白磧黃沙一望中。戰馬未歸飛粟輓，征鴻雖去缺書筒。斷蓬脫實翻風積，卑木無名映日叢。寒暑載罹淹制節，侵星何敢惜微躬。

初恩志感卷爲大司寇張公作

鐵筆持邦禁丹誠，注帝衷忽看歸老疏。再上建章宮急，難鴿原迴悲愁鶴髮同。腹心非白外骨肉，奈搖中聖主。聞應動明廷禮，特降勉留溫詔。笑存問有司，通草木雷。新寵桑榆慰遠空，離憂知頓釋。志養亦云終，膺力經王事。涓埃感我公，更移溫清孝。還畢救時忠。

別大知己詩六十韻

大知己者何，撫臺大中丞。聯峰公也之，鸞辱知已之薦多矣。率附驥尾，茹連數語而止。惟中丞則專疏極稱，累數百言，不厭有表微之道焉。惟淺薄不敢當，而于知己則大矣。故臨岐之詞，欲言莫盡，而筆舌恨不副心云爾。

昔官叨瑣闥，公秩屬司徒。邦計朝聲籍，達儀士觀殊。上供珍筮庫，內蠹竭錙銖。並拜監臨責，欣諧麗澤圖。規恢遺刻削，瘠薄潤敷腴。繩墨循非縛，廉榮曠亦拘。周旋偕侍御，沃益瑩冰壺。詎謂睽根合，偏令苑速枯。龍收翻浪

音地 雁 卷三
鮪兔攫穴墉狐桂籍違鵠筵萍踪逐海隅康莊騰五馬
遠夢滯雙鳧衛最移梁甸臺資謝郡符王韶經略地李
勣浪遊區唾手賓番族持衡卓憲模功高人或妬價重
玉徐沾遂長三秦臬疇嗟萬里軀髮莖仍盡黑服色已
重朱布法臨涇渭盈庭質芮虞嶽蓮風格峻城斗福星
俱兩造神明久片言忠信孚北門求鎖鑰西顧辨瓊瑜
黃紙中丞擢黔黎要鎮須民更元昊故毒染赫連痛戰
伐瘡痍哭饑寒水旱癘鐵衣誰歿士烽火日強胡禮廢
軍承變宗淫訟積誣王師勞鮮餽寒廩賦恒逋幣埵排
千孔涼蹊併一途要知工補抹絕跡失駘駑入境初明
分逢灾輒免租紀綱淪復整凋敝槁全蘓渠利疏唐漢

兵機洞諜俘斂貪狼避道不啗虎依嶠示儉居貧國先
憂達上都子卯每撤樂庚癸未聞呼萬戶皆安枕諸生
始業儒商通靈武僻稼掩賀蘭蕪汎濫新歸壑鉏犁舊
田口小心修屏翰大舉志匈奴馬謖言乖實王恢罪可
誅辭援舟共濟事異幹連株給舍廉欺罔飛章列覬覦
歸裝誠猝遽歧野幾踟躕在恥甘垂翅南郎幸濫竿拔
茅付盤錯投筆歎桑榆茗酪愁鄰貊蓴絲戀煮鱸鷄壇
思宿約熊軾儼亨衢寶銜張華劍塵超伯樂駒微衷許
披瀝正氣曠搏扶邈徼來縻爵前驅願執爻方圓刊枘
鑿燥濕會焦濡果愜彈冠慶恒勤促膝吁麤翹非病急
婉狎靡嫌諛道重綈袍略情公卯翼踰竟容親盛德真

曲庇狂夫學業荒投裔才名減棄繻何奇回白眼極薦
選青蚨虛譽囊羣剡立功煽火爐春噓委溝斷梵起甃
浮屠謾道鷓維鳥方看雄轉盧進曾窺晚達立莫使終
孤厚誼鑄餘齒華袞誦弱雛臨岐私飲恨對酒再披愚
遠道加餐飯含生豈卒瘠朝廷需柱石輿阜別良污廟
器捐家食皇猷待哲謨性靈煩燮理鬼躁浪擲掄倘卽
風雲去懸從磬咳趨平沙渺旌蓋聚散悵須臾

聞江西之變憂老母所在一夜而鬚白一莖因成

二絕

烽火慈幃定畏途憂心煎白上莖鬚凡雛空長三句七
不得臨危手一扶

省覲猶思再考時

兩考例得歸省

一莖先已變成絲平安若遣

慈顏見笑定應驚早白兒

將至雄縣書所見四首

沿溪風景似江鄉老柳濃陰綠兩行雙嶼稀層編竹細
白沙中閣賣魚航
十載騎驢此地過平原如掌半爲河生魚活蟹來盈市
黍地桑田奈爾何

天王仗鉞爲蒼生民見旌旗亦不驚只恐有司供帳富
重瞳難照郤簷情

災傷共道水連年午過停驂不敢前南去泛舟三十里
鄭州城北少人烟

儀真遵陸褚家舖次壁間韻

小亭繫馬看青山芳樹人家淺水灣回首東風生彩鷁

挂帆却羨祝郎閒遙緒掌科先欲由舟入南京予由儀真陸行賦此後亦由陸來相見時不

禁大笑

望桓山

桓山有約竟茫茫山石嵯峨山樹蒼三百年來無李白

更從今日憶蘓王鎮遠顧公同寓於徐將約遊焉以迎駕不果

牛首歸雲亭

草色苔痕半上衣海東涼雨散初暉幽崖故是雲生處

謾道雲從天際歸

龍眠風雅卷四目錄

木厓潘 江蜀藻輯

武進鄒祇謨訐士 叅

同里陳 焯默公

吳 檄 三十四首

方 效 四十六首

方 是 一首

汪 一川 一首

方 良 一首

方 祿 一首

吳 儋 九首

方 照 一首

齊 傑 七首

齊 述 二首

盛汝謙 一首

方 點 二首

方 兼 一首

吳 一鳳 一首

方可一首

吳一

...

...

...

...

...

...

...

...

...

...

...

...

...

...

...

...

...

...

...

...

龍眠風雅卷四

木厓潘 江蜀藻輯

吳

檄

字用宣號皖山正德辛巳進士歷官樞曹性剛嚴有氣節仕至陝西叅政清介之操始終

一致生平嗜古力學尤工于詩著有兵部集西蜀蔣芝序之曰言達者實茂洵為大雅質的云

燕京北閣同王平陽朱節之張子言田忠父諸君

宴

茲閣何弘敞雄峙洲渚隈高會乘暇日儔侶懽追陪列

坐盈綺席櫺牖中天開遠覽周燕甸俯瞰黃金臺叠嶂

鬱蒼翠清川互縈迴歛忽芳靄結靈雨從東來仙飈吹

霞裾恍若升蓬萊振袂語同遊流光逝如頽良辰不極

樂嫵婉須誰諧令德欣具感逸興駢相催蘭肴豈虛反

桂酒數傾罍談笑凌青雲歌聲遏玄埃逍遙萬物表曠
思游無懷借往心已愜久要義勿乖念此四海交撫檻
以徘徊

過涿郡

孟冬過涿郡雨雪何其雱寒風雖云烈流塵淨周行崇
朝策疲馬忽至帝城旁帝城日以近鄉路日以長所思
在丘隴瞻眺登高岡同雲蔽千里朔風爲飄揚遡途窮
澤國神往來無方徒懷竟何益但使情內傷

哀余竹城憲長

大龍之山橫古舒長江波浪無時無與雲出霧遍南紀
衡岳塊爾湘川隅山中寔藏天地寶誕我余公氣何浩

賈誼文章三十成鳳翥鵬搏凌八表執法之宮天始開
霜飛海甸驅塵埃借劍將誅倚闕虎引裾豈避奔空雷
武帝雄才憚汲黯出守淮陽志不減坐使閭閻風俗淳
至今五袴歌廉范鎔鄣忽遇神龍光擢居劇地平要荒
吐蕃遠遁沙漠外匹馬不敢窺邊疆十漸忠貞動天子
按節山川命伊始益州將吏遲嚴公星隕俄傳諸葛死
此地連年枯旱隨石圻金流數千里蒼天不救涸澤魚
赤手誰翻大江水哀哉余公廟堂之望今已矣鄉里衣
冠真我師相逢嘗恨識君遲籲天何處攀箕尾寶劍空
懸隴樹枝

樓夜

北極高秋轉南樓爽夜分苑風連禁樹山月下窻雲鶴
舞神臯外龍吟大海瀆危闌看寶劍霜氣蹙星文
高棟流水雪青天玉鏡開烟華千塞起樹響萬山來有
客浮槎去何時駕鶴迴七絃停北斗牛女正徘徊
秋日田忠父使九江與昆侖張子送之平津
扁舟逐張翰送爾大河津楚樹應思我燕鴻復背人湖
平時漾草天淨不飛塵離別同杯酒相酬莫厭頻

省鶴

白鶴何年集蹠蹠畫省游雲霞初入夜松檜半含秋海
性停鷓瑣天聲繞鳳樓芝田迴羽翰慰爾列仙求

春日憶張子言

北苑花千樹春深不共看素琴彈水曲黃鳥和林端爾
鬢吟中白吾顏酒後丹東風倘相惜迢遞促歸鞍

奉酬童內翰桐鄉見慰之作

抱病離苦卧青山採藥歸秋風拂仙翰正下白雲扉我
欲問儀禮因之瞻德輝不知南楚鳳已向帝城飛

十五夜對月奉懷吳石亭太守

千山不動烟一鏡掛青天遙憶西江叟高樓看爾圓
吳樓云得月舉杯邀兔魄揮袂拂龍泉滿目相思淚清光爲我
傳

元夕與舍弟楫併諸子飲

春入上元夜筵開季子家山中無火樹白雪映梅花鸞

前題風牙卷四
鵠臨風靜埧篋繞月譁不辭天色曙共爾醉流霞

過董伯嚴松林有懷

白馬穿松塢玄巾低曲枝無風濤乍歇不雨蓋還持側
見空中鶴深聞谷口鸚江都定南邁烟境不同馳

秋日與方惟裕游浮山會勝巖

鰲背負天台東從海上來潮開千古洞屨結百層臺薛
荔牽衣袂琅玕落酒杯崇岡看勝跡石字沒蒼苔

金谷巖

玉山標勝地金谷敞秋天古在誰高步吾來獨靜便烟
霞丹洞闕日月紫峰懸縹緲看雙鶴乘風萬里旋

滴珠巖

神龍遵地起萬壑轉虛無留雨天門上千秋瀉玉壺高
霞縈素錦爽籟散明珠並坐苔邊石流音繞四隅

張公巖

削宇鍾天巧題巖自野夫張公名半空開紫閣一逕跨玄
都我對金樽酒君探玉笈圖竹深仙不見共倚白雲呼

霍丘訪胡公擇

尋君指河澣山郭忽相逢敝舍惟秋菊開花間古松時
傾一杯酒不改十年容醉卧辭余去柴扃霧已重

西原園中

清時薛夫子巖居長閉門著書多暇日種竹已盈園我
繫燕山馬同傾栗里樽不辭秋色暮對雨接高論

清晨灌芳圃激水此河濱種藥秋已熟何愁多病身山
亭下雲氣杯酒有詩神灑翰頻遺我中心自不塵

發宿州

我懷千里道早發宿州城霧逕紅塵濕霜原白草平前
村渡河處繞岼權歌聲聞此急征旆東山日已明

謁漢高帝祠

沛人懷赤帝祠廟據青山雄甸川原古前朝劍壘閒風
雲開日表虎豹護龍顏瞻拜慚無禮容臣大度間

與田瑟父走訊張山人消息山人適歸喜賦

結駟長安道迴車大隱關祗因別日遠借問幾時還薄
暮梅花曲流聲松樹間柴扃風乍起談笑接高顏

駕幸九龍池

羽蓋乘春集龍池愜帝游地疑三島勝泉是九江流御
氣蒸黃柳恩波蕩白鷗春風迴輦處歌吹繞瀛洲

省夜

爲郎夜宿尚書省漢署深深隱暮花樓外雲行無過雁
苑中高樹有啼鴉苦吟座入清霜氣不寢窻移明月華
檮散寸心違袞闕風塵十載客天涯

己丑冬不雪 天子禱于南郊是夜大雪喜賦

至後玄冥動春令暖風晴霧塞天涯南郊曉駐黃金仗
朔土宵看白雪花鹽虎凍盤雙闕迥玉龍光繞萬山斜
微臣敢效豐年頌桂省蘭觴泛紫霞

憶少崑梅

崑在襄陽謝公崑旁郡守徐東濱構亭其上

少巖亭畔謝公梅臘月寒多花正開山月低軒霜影墮
江颺吹樹玉香迴橋邊客駐青霄杖洞口仙傳白雪杯
虛沐君恩游畫省獨憐春思繞蓬萊

贈韋地官督漕政

聖代都城盤朔方九州征賦重維揚河流萬曲開天漢
海艦千秋接帝鄉王事獨勞蘭署客春風初下紫泥章
鵬搏鳳翥江霄外瑞日遙臨燦節光

移居城東東田兵部

歲晚天涯歸未定卜居東傍鳳凰城烟霞不散紅塵色
日月遙懸滄海情退食琴書歡自展中宵鼓角夢還驚

丹丘司馬坊西舍策騎時勞問友生

春夜對陸子宇

省署旋歸坐解愁月華遙滿仲宣樓玉河風暖蛟冰動
銀海天空蜃霧流南國早梅誰獨在北山叢桂爾長遊
春盤竊慶昇平日永夜層軒醉未休

贈田忠父歸閩中二首

昔奉慈顏來帝畿龍章親接五雲輝祇憐鶴髮懷鄉遠
更逐仙槎泛海歸松外丹山開壽筭花邊碧水照初衣
故人竊捧毛生檄送爾翩翩興欲飛

苑外稀聞黃鳥鳴奇峰面面碧雲生依沙錦席堪時駐
隔浦蘭橈趣暮征玄鶴何年傍霞起紫駟昨日繞花行

音耶風雅卷四
祇因別思牽腸斷一曲離歌賦不成

春日過張侯園亭

五侯臺榭競芳菲
三日花深車馬稀
絃管不從流水奏
綺羅應化暮雲飛
空聞玉饌分天府
曾覩金葩捧御幃
借問樓前桃李月
由來此地幾人非

棟塘

高人棲跡謝氛埃
塘上亭依雙棟開
密葉那知朝日轉
修枝忽送晚風來
魚龍起浪臨歌席
鳧雁穿雲繞釣臺
萬竹千花金谷裏
不如樹下飲荷杯

甲午冬過在平聞吳叔羽癸巳五月卒哭之

南歸曾得蜀中書
道爾平安守故廬
在縣忽聞摧折久

草堂翻恨往來疎
家貧妻子應難給
歲晚朋儔日已孤
都下送君成永訣
忍看詞賦哭相如

方

效

字去病號石洲桂林公會象孫舉嘉靖丁酉應天鄉試十上公車不第亦不官鄉人以老

舉人呼之遂以名其里父有侍姬家人不能堪公安之父歿爲擇善配不問其篋宗黨稱孝焉所著

有石洲集

送秦時信謁選

君行在深秋
渺渺燕山下
向日掃雲霾
光輝仍舊射
來歲富春華
我亦長安舍
角莩南宮餘
尊酒話良夜

送叔惟力令貴溪

信州跨吳楚
名勝雄江右
山川發穎秀
貴溪實稱首
天子重名邦
簡茲賢令守
銓曹閱進士
曰若桐城某叔也

被命馳夙夜罔敢後窮養達所施展布經綸手振我列
祖芳作彼萬民母應宿古郎官碑在兒童口

寄周延栗

久不遂懽觀永歲念恒切川途亦阻修雲林應嶽嶸丈
夫志四方相期在掀揭芳秋況轉蓬青燈無作輟

皖中病歸值雨

支病索肩輿避雨宿林屋不復加餐飯但得睡味足晨
起戒僕夫泥塗無彳亍春淺花事微寒雲亘山谷

走百病行

長安風俗真兀縮不重元宵重十六處處謹譁走百病
貴游自好何僕僕雙籠前導沸笙簧侍兒環簇炫綺縠

市井紛紛恣奪攘士女悠悠甘局促首善之地嗟乃然
偏方下邑更何戮

空石歌爲叔惟素賦

空山之石空離離俗眼瞿瞿鑿者誰空石山人性癖奇
却爲此石溪相宜山人雅負丘壑姿有名不受天子知
有才却受世人嗤放浪山甌水之溜醉卧石上歌其詩
山人與石同離披石與山人相追隨兩兩俱耦數不奇
空石空石千載以爲期

自信歌

有序

予自丙戌試南宮己丑以病庚子以憂未赴于
今十科矣癸丑之未第也予卷乃董潯陽公備

卷第一董批曰七篇俱清婉但從星篇稍歉又
曰論亦不俗凡予所得意陸令所稱許者一一
皆合乃知主司未嘗負人也歌以自信

少年姓字登南都南宮十試何淹濡錦囊寶劍發精彩
紅塵赤甸空躊躇世人不識方生志美官大郡懸相遲
生今自信惟簡編靜對青燈老彌至高鶴不共鷄羣棲
神龍不受魚蝦餌雲雷奮蟄花開時春衣十里吾堪試

黃山行爲楊先生賦

黃山黃山高且深聳薄霄漢雲烟生東瞻太阿接海島
西望華嶽南望衡上有長松千萬樹盤空驟作風雨聲
下有溪谷千萬丈虎狼潛跡猿鶴鳴高人于茅結幽屋

悠悠林麓樂天真緝蠻鳥語添笙管爛熳霞彩張圍屏
東風綠草軟且溫攜酒山陰對客傾採花泛酒輒謀醉
醒覓清泉時濯纓鹿豕長年作高侶隆冬三友不寒盟
幾回得句忘朝暮山下常留寸地耕黃山春兮草木欣
黃山秋兮風月清秋去春來時更變景移物換幾枯榮
惟有黃山無今古先生德業與齊名交君何以爲君贈
洗心高歌黃山行

送王紹敬歸江西

溪秋逢國手吾瘧藉驅除短褐辭予里扁舟返故廬倚
篷聽笛細泛月度江虛千里停雲日相思正渺如

獨坐

音耶風牙卷四
獨坐梅花館陰雲漠漠收徑流今雨濕地傍此君幽暝
笛林歸鳥春犁隴放牛輕寒知尚在未可薄衣裘

雨望

甘霖自南至大火將西流潦積千門暝涼生六月秋林
園昨夜夢京國昔時遊向夕看微霽鍾山紫翠浮

吳用宣兵部過訪以還朝期逼冒雨而別

正欲聞高論俄驚促駕旋離情今夜雨悵望早秋天萬
里星辰近千官岳牧賢相逢卽相別佳晤鳳城邊

散步

遊息松陰下薰風暫拂襟坡平堪草藉樹密自禽吟牧
笛真催暝天桃欲燒林春來無限思吾亦舉杯深

與章惟賢遊別墅

攜壺向河曲屐齒破苔紋二月春將半千林色未薰遊
魚翻碧浪征雁叫蒼雲歸憩松陰下披襟坐夕曛

郊行

宿雨開新霽閒行豁遠眸林寒多錦樹水落有滄洲朔
雁驚時序西風動客愁尋詩山外去莫負此清秋

遊浮山

昨日入山衝雨景今朝出谷被晴暉山童導指橋邊去
老衲辭從石上歸爭道茲崑江表獨却憐僻地客來稀
我遊自此應無數逢著閒時入翠微

過宿遷

音賦風雅卷四
連朝風雨滯官舟今日張帆泝急流北指天都雲浩渺
南懸鄉國樹綢繆清砧緩擣滄洲月長笛遙吹古戍秋
多少旅愁消不得酒杯詩卷是良謀

下邳遇周嵯臺初到予舟坐滯

隱隱平坡入下邳忽逢牙史報來時城頭笳鼓千人競
天上帆檣萬里馳閒對白蘋成小醉縱觀鴻鵠起遐思
無風無雨灘頭坐莫怪舟人解纜遲

舟中曉發有感

忽聽官舟鼓亂搗舟人解纜夜喧譁長風天外伸帆脚
逆水灘頭吼舵牙客枕嚴寒霜正落成樓清角月初斜
夜來多少纏綿夢半在長安半在家

夜泊沙河不寐

舟停野水碧連天鼓角傳更思黯然千片歸帆雲島外
一灣漁火鶴汀前鷄鳴半夜荒荒月人傍孤村渺渺烟
賴有朋儔能好我青燈對語不成眠

趙鼎卿發解其兄子恒同舉

庚年秋半桂花晨忽報吾桐首薦人共羨弟兄逢一榜
遠馳僮僕慰雙親九重獻奏文章並萬國傳呼耳目新
薄劣五科猶未第春明同宴待明春

歸途

大龍之嶺高插天石塘湖邊秋可憐麥花菊花遞香馥
遠磬近磬屯晴烟江聲激壯自今古峽徑縈紆還歲年

音耶風牙卷四
悠然獨馬渡河去日暮滄洲停客船

初秋飲舟中

避暑移尊坐小舟柳陰深處且停留我先劇醉呼長鶴
客亦忘機對狎鷗觀漲故經紅蓼薄采菱直下紫烟洲
歸時短葛乘驢去放浪不知天地秋

謁外祖黃翁

二月乘春來母族暖風隨我下行羈儘多樹色映庭宇
漸有鳥聲侵几筵白髮三翁仍父子外祖八十七兩青
舅氏俱六十餘
髻幾輩已曾玄不才倘有神仙骨他日依然似舅賢

遊風洞

東風拂面馬蹄輕十里山容雨復清百草尊前聊野興

小桃洞口自多情蒼鷹矯矯何相狎黃鳥交交亦我賡
醉俯長江招九子蓮花無語笑相迎

汪行可使君餞予望湖亭

望湖亭上試追攀徙倚雲邊却破顏萬壑寒烟秋欲老
一天明月鶴初還乾坤笑口逢今日松菊芳尊醉此山
無限離愁忙未撥夜深猶自唱陽關

次叔惟素遊湖韻

乘興移尊放小舟烹鮮隨處可垂釣落霞爛熳一天錦
輕葛涼生六月秋爭聽菱歌共漁唱故沿山尾與溪頭
不關小阮無拘繫叔也風騷第一流

追次先王父與昌公蓮花亭韻爲良弟賦

松塢

良別號

岩堯著小亭華榭猶自揭芳名一池掩映六

郎面十丈依稀太華坪高義汝能追列祖短吟吾已愧
難兄年年合坐光風夜荷葉爲杯藕作羹

寄宛孝廉

昨我停鞭潛水濱翩翩朋侶集芳辰清歌妙舞逢燕女
劇飲玄談似晉人馬踏鞦韆歸路靜鳥啼濃綠別懷新
明年倘遂看花願冶父山前又探春

與王紹敬夜飲

花香露正涼月明庭欲曉壺觴共故人忽聽催耕鳥

晤董伯巖

新水下長溪水深不可渡問津逢故人偶爾成良晤

東高于衡

相別動經年一會復成別夕陽幾回首我欲梅花折

招同年胡汝學

遙瞻雞鳴寺渺渺予懷切夕陽下山來期君共明月

送熊半仙歸豫章

時將偕計

君從廬山歸我作燕山客相望五千里白雲渺南北

江上

扁舟繫明月江空幾千里推篷者何人興在秋江裏

聞朱翰卿江時化趙子恒將見顧

輕風拂拂柳絲絲紅紫春山滿故枝寄語城頭青眼客
驅車須及看花時

便面小畫

綠樹低昂淨曉氛
青山遠近擁晴雲
橋邊有客尋詩去
踏徧斑斑苔蘚紋

夜梅

小堂夜晏試春醅
醉舞青袍對古梅
點綴最宜燈下看
精神知自雪中來

對菊次叔明經惟素韻

醉摘寒英插滿頭
滿頭華髮不須愁
編籬闢徑年年種
領取乾坤萬頃秋

寄章惟學

芳春開徧故園紅
幾度青尊我未同
千里詩來明月夜

始知身在石城中

索錢實夫畫

知君讀禮亦勤劬
餘暇曾拈繪事無
眼底江山揮灑徧
可能猶記石洲圖

壬子秋庭桂開已九月矣

桂花開是菊花時
莫訝天香分外遲
回首紛紛紅紫客
上林搖落只空枝

吳鶴汀招飲浮山

策馬春郊作勝遊
浮山入望豁詩眸
今朝我試登山屐
不憚天池最上頭

聞鵲

音耶風雅卷四
忽聽子規啼未歇那堪陟屺獨哀哀春歸亦有春來日
母骨千年只草萊

寄弟舉

避暑林亭試葛衣薰風拂拂稻花飛黃鷄白酒秋山畔
坐我松陰一醉歸

曾王父御史公劍

龍劍埋光六十秋風雷昨夜撼層樓朱雲不及伸狂直
張禹何時却斷頭

方

是

字去非號旦軒邑諸生與兄石洲唱酬頗多以無嗣失傳

懷四姪學箕

可吾軒隱几靜懷四姪逸興超邁塵表儼然長

公石洲之遺風詩以獎進云爾

竹林雅志結南隣竹下羊裘笑語頻放達阮咸幽徑醉
岐嶷杜位曲江春瘦緣詩思鬚常撚喜動文鋒筆有神
更憶磻溪高尚老石洲洲畔任天真

汪一川

字嘉靖間諸生號河衢

題黃山清隱卷

黃山有高人結屋在山下山下出清泉此心渾欲化一
經永相傳塵囂總能謝曉起穿雲巖歸來書滿架邈矣
山谷老遐踪猶並駕

四方

良

字去庸號松塢孝廉石洲公從弟由太學生授武陵主簿陞德藩審理歸隱先人海聲樓

挽黃山先生

尚記當年聲氣同松樓詩酒論文中五車不倦教吾子
四海知心羨獨公別後相思千里夢今朝哀訃片雲空
佳兒善繼青箱學雖逝猶存長者風

方

祿

字子廉有俊才十八註獄或言于郡守出之比試守大驚賞以獄故實第二遂籍諸生縱

酒劇詩歌自稱井菴子嘗于坐中徵事弟子長謔之曰兄腹磊塊何多子廉曰弟何乃太潔淨其不羈如此

自題井菴子詩

觸蠻蝸角戰酣時龍血玄黃馬力疲誰道井蛙亦解樂

仰天終日任支頤

吳

侑

字仕富自號素修處士託興吟咏往往以詩紀事邑侯天台陳公勉廣信方公倫沂州張

公崇德皆折節下交每奏一篇未嘗不稱善晚年樹槐于庭以綠槐窻主人自命嘗爲詩曰自媿花

黃無事業三公留與後人封四傳至廷尉公應琦若操左券公不假問學而屹然子墨之林又善以智脫人於難有詩壇郊鳥里社良平之譽

次王本觀烏岡別墅韻

浪說瀛洲有盛名此中佳趣更幽清苔錢數畝閒花地
歌管幾番啼鳥聲遊徑月明詩句好開軒雨過畫圖成
掀髯長嘯壺天濶別是人間一樣情

爲表兄姚世良題翠林溪處

翠林莫道尋常地添個幽人事不同竹影儘容來坐席
花陰不許上簾櫳午窻詩就三杯酒六月寒生一枕風
仙子悟真容易得等閒何處覓行蹤

綠槐窻戶自號

重重黛色覆簾櫳
深蔽芳塵隔軟紅
當戶月明清影罩
閒庭雨過綠陰濃
午窓夢覺枝頭鳥
一枕涼生樹底風
自媿花黃無事業
三公留與後人封

李貞婦傳

二十孀居撫幼孤
此心金石更誰逾
滿頭白髮仍從子
百歲黃泉好見夫
秋雨淒涼敲斷枕
殘燈明滅伴寒爐
人間自銜知多少
曾識桐鄉貞婦無

途中次韻送趙先生行

送客長亭怯曉寒
離愁十斛壓雕鞍
丁寧別後相期處
開到薔薇好共看

次韻送羅先生行

江空歲晚野雲寒
有客思鄉促去鞍
歸到畫堂春正好
梅花香雪醉中看

次韻懷吳先生

空山舊雨戀晴雲
鎮日門無迎送人
綠樹窓前慣飛鳥
不知春去尚啼春

次韻送吳先生行

年少光陰未有涯
春來春去去如馳
上林還有看花日
不必臨行折柳枝

次趙先生韻

步隨芳草軟塵香
細數飛花片片忙
遊女不知人別恨
隔溪三五立成行

方

照

字子容號白濱弱冠補諸生旋棄去隱白塢耕釣自適喜賦詩不求工咏性情紀時事而巳于家譜中得一首

有以新安族譜見示者答之

家譜編修重複重宋元舊已失先蹤但能親睦吾桐族

何必徽州更認宗

齊

傑

字士庸號鴈山嘉靖辛丑進士初官南京刑部主事秩滿例得清要有同年生屬所知諷之公笑而不答果左遷尋出知

梵峰

梵岳凌空聳霏微曉霧紛禪林翻貝葉僧榻暗巢雲
石泉痕細平溪野黛分臨風何處磬天外數聲聞

高座寺次韻

古寺倚巍臺幽軒跨竹開採之人已遠載酒客偏來
擁巘千松老穿雲一逕迴主人情未已更飲最高隈

晚泊金陵

夕陽帆影落秦河夾岼風花逐逝波三月江天春鴈少
六朝陵樹晚鴉多計程白下憐萍梗補屋青山想薜蘿
酒肆住人渾未解流鶯時傍客船歌

春曉

獨掩樓扉隱几眠老懷春暮怯啼鶉悲歡歲月詩囊裏
今古乾坤酒幔前花氣薰蒸三月雨日光浮蕩九衢烟
年來莫笑生涯拙只釣東湖縮項鱸

度桐溪橋

白石青溪度笋輿西風朔雁計程初微軀霄漢輕行路
遠道親朋祝寄書蝗老松梢青復起鯨吹水面碧仍虛
鄉心忽倦題橋興何日歸懸駟馬車日

青山莊居

一勺泉供數畝田薄收租穀度長年烟霞招我為山主
風月隨人出社錢半醒煮茶留客話稍閒入寺問僧禪
漁舟莫遣迷溪路漫說桃源洞有仙

山亭

茅亭穩結鳳凰山止許幽人日縱攀千嶂翠微飛檻外
百重寒玉落雲間春華秋月年年景雨潤晴曛色色斑
寄語紅塵馳逐客可知鳥倦亦知還

齊

述

字 號柳峰嘉興太學生蓉川公之長

子蓉川公卒于官洛王賻五千金公攜歸傾
橐授兩弟畊隱兔濱以屬
詠自娛所著有柳峰集

題黃山清隱卷

秀奪中原間氣優青厓白石豈同儔風松濤撼琴書月
露竹清涵枕簟秋山路無妨來長者草廬還可做王侯
一塵不染真佳境携我何時汗漫遊

盛汝謙

字亨甫嘉靖辛丑進士由御史至光祿皆有
偉績時分宜柄國心重其才啗以顯秩公拒
之峻遂罷歸分宜敗詔起官尋轉南京操江都御
史改造貢院與吳方伯一介首倡議為桐築城鄉
里至今賴之其學闡良知深于性命
之旨雖人不足以詩著而詩以人存矣

贈武湖山年丈頓山別業

河南裕州太守

何年遂初衣卜此頓山業門橫一澗流後繫方塘蝶流

急境常靜，移情更愜。庭趨詩禮，兒架散鍾。王帙四時，有新釀客。至每歡接，啼鳥雜清歌。游魚翻巨鬣，辭榮終復榮。故園懷日涉。

方

點

字子真，號蘭林。南涼公長子。嘉靖間，楚閩參軍。曉音律，善八分書。婦翁錢公錫，婦弟錢實。夫皆工詩，公從之遊，有詩名。

即事

明月還來照碧紗，長松修竹自年華。階除閒看蘭芽茁，信是春風戀我家。

題黃山清隱卷

客來談笑渾忘倦，最喜年豐眼界清。地僻山居何所事，傳家惟有舊遺經。

方

兼

字子山，號于崖。南公第。三子，邑諸生。思例冠帶。

挽黃山楊先生次松塢韻

吾鄉文獻道原同，不少金蘭滿目中。絳帳春風還有主，青氊夜雨惜無公。談鋒曾奪呵呵佛，怪事徒書咄咄空。細和新詩遺弔客，老夫含淚灑西風。

吳

一鳳

字鳴治，號儀亭。嘉靖間諸生。事繼母，奉母嘗。使者以同序稱，屈欲貫之。公曰：天下有不是之父，母耶？即不黜，亦以休致為安。歸事母，益起敬起。奉母卒，偕弟一鶴別卜穴，徙葬其母而奉繼母。與父合兆，成其志也。尤為人所難。

雨後登東巖

雨過山光淨，可憐奇峰簇。擁酒杯前坐，中疑豎仙人掌。檻外驚開大士蓮，百丈烟蘿垂絕壁。數聲鐘磬入諸天。

高頭宴坐心如水醉眼還同蘇晉禪

方山可

字子時號山泉嘉靖間以郡庠遊胄子為光祿寺監事幼風惠五歲日記數百言桐上鮮

治春秋公獨千里求師于楚遂稱專門伯仲以其母異父愛之不無舛望公事之彌謹將謁選病足與義舊結詩社效輞川故事繪所居湖山八景各為一咏好事者屬而和之

題楊黃山清隱齋

先生抱道隱黃山剡岫青青碧落間晝聽鸚鵡聲傳雅調

夜看金氣識真顏茹芝餐石何妨老乞竹分花未許閒

乘興得來陪語笑頓教吟賞不知還



